

M Chinese

Vol. V

~~A~~ 5

v. 5

5



Small vertical text on the left edge, likely a page number or binding mark.



醫學正傳卷之五目錄

麻木門 四十

論

丹溪方法凡一條

天麻黃芪湯

神效黃芪湯

祖傳三妙丸

耳病門 四十一

論

東垣滋腎丸

鼠粘子湯

目病門 四十二

論

滋陰地黃丸

春雪膏

脉法

人參益氣湯

補氣升陽和中湯

補氣湯

祖傳三妙丸

柴胡聰耳湯

脉法

祖傳經驗方

柴胡聰耳湯

祖傳經驗方

脉法

撥雲退翳丸

爛翳驗方

導氣湯

麻黃桂枝升麻湯

沖和補氣湯

沖和補氣湯

丹溪方法凡九條

丹溪方法凡九條

蔓荊子散

蔓荊子散

丹溪方法凡十條

丹溪方法凡十條

羊肝丸

神效明目湯

醫學正傳 卷五 目錄 會文堂書局印行

Page 1



明日細辛湯

復明散

助陽和血湯

歸葵湯

救苦湯

益陰腎氣丸

當歸龍膽湯

瀉陰火丸

療本滋腎丸

加味滋腎丸

退翳膏

龍膽飲子

還睛紫金丹

重明散

石膏羌活散

黃連膏

滌昏膏

金絲膏

地芝丸

眼睫方

點眼光明丹

丹溪活套

祖傳固本還睛丸

經驗復明膏

口病門四十三

論

脉法

丹溪方法凡三條

益膽湯

柴胡地骨皮湯

又丹溪方法凡十四條

鵬砂散

碧雪

祖傳經驗方

丹溪活套

喉痺門四十四

論

脉法

丹溪方法凡十一條



通關飲

又治喉痺方

普濟消毒飲子

桔梗湯

又治喉痺二方

吹喉散

聖煙筒

祖傳方

又祖傳方

齒病門四十五

論

脉法

丹溪方法凡五條

灸牙疼法

治虫牙痛方

走馬牙疳神方

小兒走馬牙疳方

東垣麝香散

草苳寇散

羌活散

白牙散

獨聖散

立效散

牢牙散

清胃散

神功丸

祖傳經驗方

又祖傳方

擦牙止痛方

祖傳灸法

鼻病門四十六

論

脉法

丹溪方法凡七條

宣明防風湯

麗澤通氣湯

温肺湯

禦寒湯

祖傳經驗方

又祖傳驗方

醫學正傳

卷五

目錄

二

會文堂書局印行



血證門 四十七

論

脉法

丹溪方法 凡二十七條

人參飲子

痰涎雜血出方

三黃補血湯

痰嗽吐血方

黃芪散

痰帶血咳出方

雞蘇散

薏苡仁散

又丹溪方法 凡八條

犀角地黄湯

四生丸

聖餅子

宣明地榆湯

結陰丹

椿皮散

烏梅丸

槐花散

加減四物湯

當歸和血散

枳殼散

酒煮黃連丸

秘方枳殼湯

槐角丸

升陽去熱和血湯

升陽補胃湯

生地黄散

玉屑膏

龍骨散

麝香散

經驗瀉血方

又方治前證

桃仁承氣湯

抵當湯

丹溪活套

祖傳經驗方

髮灰丸

大便下血經驗方

已試醫驗 一條



痔漏門 四十八

論

秦艽羌活湯

秦艽防風湯

七聖丸

祖傳七花丸

汗證門 四十九

論

麥煎湯

黃芪建中湯

東垣白木散

瘥證門 五十

論

栝萋桂枝湯

大承氣湯

脉法

秦艽蒼木湯

當歸郁李仁湯

秦艽白木丸

又經驗祖傳方

脉法

調衛湯

四製白木散

丹溪活套

脉法

葛根湯

桂枝葛根湯

丹溪方法 凡十條

秦艽當歸湯

紅花桃仁湯

脫疔方 三條

丹溪方法 凡四條

當歸六黃湯

正氣湯

已試醫驗一條

丹溪方法 凡二條

麻黃葛根湯

桂枝栝萋根湯



小續命湯

防風當歸湯

當歸補血湯

舉卿舉敗散

丹溪活套

已試醫驗一條

厥證門五十一

論

脉法

丹溪方法一條

活人書方法

五味子湯

桂枝麻黃各半湯

茯苓甘草湯

通脉四逆湯

當歸四逆湯

吳茱萸湯

蘇合香丸

丹溪活套

癲狂癇門五十二

論

脉法

丹溪方法凡五條

龍腦安神丸

神應丹

錢氏五色丹

元戎二白丸

拔萃妙香丸

硃砂滾涎丸

局方碧霞丹

控涎丹

牛黃瀉心湯

牛黃清心丸

丹溪活套

祖傳秘方

邪崇門五十三

論

脉法

丹溪方法一條

素問五邪論

五邪論

丹溪活套八法



素問五邪證

五邪刺法

丹溪治婦人法

秦承祖灸鬼法

還魂丹

桃奴丸

蘇合香丸

治魔死方法

祖傳辟邪丹

已試醫驗一條

怔忡驚悸門五十四

論

脉法

丹溪方法凡三條

治勞役心跳方

驚悸養心湯

東垣安神丸

温膽湯

定志丸

朱雀丸

八物定志丸

歸脾湯

祖傳經驗方

三消門五十五

論

脉法

丹溪方法凡五條

猪肚丸

又丹溪方法二條

和血益氣湯

當歸潤燥湯

生津甘露湯

辛潤緩肌湯

生津甘露飲子

黃芪飲

六味地黃丸

人參白朮湯

絳雪散

人參散



大黃甘草飲子

祖傳經驗原蠶繭湯

麥門冬飲子

丹溪活套

醫學正傳卷之五目錄終

醫學正傳卷之五



醫學正傳卷之五

花溪恒德老人虞搏天民編集

麻木四十

論

內經曰風寒濕三氣合而為痺故風氣勝者為行痺寒氣勝者為痛痺濕氣勝者為著痺河間曰留者不去四肢麻木拘攣也經又曰痛者寒氣多也有寒故痛也其不痛不仁者病久入深榮衛之行溢經絡時疎故不痛皮膚不榮故為不仁夫所謂不仁者或周身或四肢唧唧然麻木不知痛癢如繩扎縛初解之狀古方名為麻痺者是也丹溪曰麻是氣虛木是濕痰死血然則曰麻曰木者以不仁中而分為二也雖然亦有氣血俱虛但麻而不木者亦有虛而感濕麻木兼作者又有因虛而風寒濕三氣乘之故周身掣痛兼麻木併作者古方謂之周痺治法宜先汗而後補也醫者宜各以類推而治之不可執一見也

脉法

脉浮而濡屬氣虛關前得之麻在上體關後得之麻在下體也

脉浮而緩屬濕為麻痺脉緊而浮屬寒為痛痺脉澁而芤屬死血為木不知痛痒

方法

丹溪方法  
凡一條

醫

學正

傳

卷五

會文堂書局印行



丹溪曰十指麻木是胃中有濕痰死血宜二陳湯加蒼朮白朮桃仁紅花少加附子行經人參益氣湯治兩手指麻木四肢困倦怠惰嗜卧熱傷元氣也

黃芪 二錢

炙甘草

升麻 各五分

五味子 三十粒

柴胡 六分

生甘草

人參 各一分半

白芍藥 七分

右細切作一服水二盞煎至一盞去粗稍熱服

導氣湯治兩腿麻木沉重

黃芪 二錢

甘草 一錢五分

青皮 一錢

升麻

柴胡

當歸 稍

澤瀉 各五分

陳皮 二分半

紅花 少許

五味子 三十粒

右細切作一服水二盞煎至一盞去渣溫服

天麻黃芪湯治素有風證因連日醉飲其證復來右口角併眼牽引側視及左手脚腿麻

木疼痛

天麻

芍藥

神麩 炒

羌活 如肢節不用

茯苓 各三分

人參

黃連 各四分

川歸 五分

黃芪

甘草

升麻

葛根



黃柏

蒼木各六分

澤瀉七分

柴胡九分

或加猪苓六分

右細切作一服水二盞煎至一盞去渣溫服

補氣升陽和中湯一婦人病診得六脉俱中得弦洪緩相合按之無力弦在上是風熱下陷入陰中陽道不行其證閉目則渾身麻木晝減而夜甚覺而開目則麻木漸退久則絕止常開目則此證不作是以不敢合眼致不得卧身體皆重時有痰嗽覺胸中不利煩燥氣短喘促肌膚充盛飲食不減大小便如常此非風邪乃氣不行也治宜補益肺氣自愈如經脉中陰火乘其陽分火動為麻木者當兼去其陰火則安矣

生甘草去腎熱

黃柏酒炒除濕熱

白茯苓除濕導水

澤瀉除濕導水

升麻行濕助經

柴胡已上各二分

蒼木除濕補中三分

陳皮

當歸身

白朮各四分

人參

白芍藥各六分

佛耳草

炙甘草各八分

黃芪一錢

草薹菴益陽辟外寒三分

右細切作一服水二盞煎至一盞去渣食遠服

麻黃桂枝升麻湯治婦人先患渾身麻木睡覺則少減開目則已其證愈後又因心中煩惱遍身骨節疼痛身體沉重飲食減少腹中氣不轉運



木香

生薑 各二分

桂枝

半夏

陳皮

草豆蔻

厚朴 薑汁製

黑附子 炮去皮臍

黃檗 各三分

炙甘草

升麻

白木

茯苓

澤瀉 各四分

黃芪

麻黃 不去節

人參 各五分

右細切作一服水二盞煎至一盞去渣食遠服

神效黃芪湯治渾身麻木不仁或頭面手足肘背腿脚麻木並皆治之及兩目羞明畏日  
隱澁難開視物昏花睛痛亦皆治之

蔓荊子 二分

陳皮 五分

人參 八分

炙甘草 一錢

白芍藥 一錢

黃芪 二錢

右細切作一服水二盞煎至一盞去渣臨卧稍熱服如麻木不仁雖有熱不加黃檗  
只加黃芪一錢通三錢如麻木甚者加芍藥一錢通二錢如小便淋澁加澤瀉五分  
一服去則止如有大熱證加酒洗黃檗三分

補氣湯治皮膚麻木神效

黃芪

陳皮

甘草 各一分

澤瀉 六分



芍藥 八分

右細切作一服水一盞半煎至一盞溫服

冲和補氣湯治合眼則麻木開則不麻四肢無力痿厥醋心目昏頭眩神效

羌活 七分

獨活

川歸

黃蘗 各三分

柴胡

神麴

木香

草豆蔻 各二分

人參

白朮

澤瀉

猪苓 各一錢

甘草

升麻 各五分

芍藥 一錢

黃芪 二錢

蒼朮

陳皮 各一錢

黃連 二分

麻黃 二分  
不去節

右細切分作二服每服用水一盞半煎至一盞溫服

祖傳經驗三妙丸治濕熱下流兩脚麻木或如火烙之熱

黃蘗

四兩切片  
酒拌畧炒

蒼朮

六兩米泔浸一宿細切焙乾 川牛膝 去蘆

右為細末麩糊為丸如梧桐子大每服五七十九空心薑鹽湯下忌魚腥蒼麥熱麩

煎炒等物

耳病 四十一

論

醫

學

正

傳

卷五

三

會文堂書局印行



內經曰腎者作強之官技巧出焉又曰耳為腎之外候一曰腎通竅於耳一曰心通竅於耳夫腎之為臟水臟也天一生水故有生之初先生二腎而一陰藏焉而又有相火存乎命門之中也每挾君火之勢而侮所不勝經所謂一水不能勝二火是矣其或嗜慾無節勞役過度或中年之後大病之餘腎水枯涸陰火上炎故耳痒耳鳴無日而不作也或如蟬噪之聲或如鐘鼓之響甚為可惡早而不治漸而至於龍鍾良可嘆哉治法宜瀉南方之火補北方之水無有不安者焉錢仲陽曰腎有補而無瀉厥有旨哉

脈法

兩寸脈浮洪上魚為溢兩尺脈短而微或大而數皆屬陰虛法當補陰抑陽

左寸洪數心火上炎兩尺脈洪者或數者相火上炎其人必遺精夢與鬼交兩耳蟬鳴

或聾

方法丹溪方法  
凡九除

丹溪曰大病後耳聾及陰虛火動而聾者宜補陰降火四物湯加黃蘗主之

耳鳴宜當歸龍薈丸多飲酒人宜木香檳榔丸

耳聾以茱萸烏頭尖大黃三味為末津調貼湧泉穴以引火下行

又方治耳痛以白礬枯吹入耳中及青礬燒灰吹之皆效



又方治耳痛及聾耳用桑螵蛸炙黃為末加麝少許吹入耳中極效或用臙脂胚子蛀竹末加麝香少許吹入妙

又方治諸蟲入耳用香油滴入耳中其蟲即出或死於耳內或用驢牛乳或雞冠血滴入皆好

又方治諸蟲入耳用桃葉捲作角子切齊其頭納入耳中其蟲從角中走出

大補丸治耳鳴欲聾用黃檗一味不拘多少細切鹽酒拌新瓦上炒褐色為細末滴水

丸如梧桐子大每服一百丸如氣虛以四君子煎湯下血虛以四物湯下

凡耳鳴耳聾皆是陰虛火動或補腎丸或虎潛丸或滋陰大補丸皆好

滋腎丸治耳鳴耳聾

黃檗鹽酒炒一兩

知母去毛酒浸一兩

肉桂五分

右為細末煉蜜為丸如梧桐子大每服五十丸淡鹽湯下

柴胡聰耳湯治耳中乾結耳鳴而聾

連翹四錢

柴胡三錢

炙甘草少許

當歸身

人參各一錢

水蛭五分炒另研

蜜虫三箇去翅足炒另研

麝香少許另研

右除後三味別研外其餘細切作一服加生薑三片水二盞煎至一盞去渣加三味



末子再煎一二沸食遠服

蔓荆子散治上焦熱耳鳴而聾及出膿汁

炙甘草

升麻

木通

赤芍藥

桑白皮 蜜製

麥門冬

生地黄

前胡

甘菊花

赤茯苓

蔓荆子 各五分

右細切作一服加生薑三片大棗一枚水一盞半煎至一盞去渣食後服

鼠粘子湯治耳痛生瘡

昆布

蘇木

生甘草

蒲黃

草龍膽 各二分

鼠粘子

連翹

生地黄

當歸梢

黃芩

炙甘草

黃連 各三分

柴胡

黃芪 各四分

桔梗 一錢五分

桃仁 三箇去皮尖另研

紅花 少許

右細切作一服水二盞煎至一盞稍熟食後服忌寒藥利大便

祖傳經驗秘方治耳內忽大痛如有虫在內奔走或有血水流或乾痛不可忍者用蛇

退皮燒存性細研以鷲翎管吹入耳中立愈



目病四十二

論

東垣曰按陰陽應象論云諸脉者皆屬於目又曰目得血而能視五臟六腑之精氣皆上注於目而為之睛睛之窠為眼骨之精為童子筋之精為黑眼血之精為目窠之總絡氣之精為白眼肌肉之精則為約束裹擷筋骨血氣之精而與脉併而為系上屬於腦後出於項是故瞳子黑眼法於陰白眼赤脉法於陽故陰陽合德而為精明也是以五臟六腑十二經脉三百六十五絡其血氣皆稟受於脾土而上貫於目而為明故目者心之使也心者神之舍也故精神亂而不守卒然見非常之怪若邪中其睛則精散精散則視歧視一物為兩也因事煩擾飲食失節勞役過度致脾胃虛弱心火大旺則百脉沸騰血脉逆行經曰天明則日月不明邪害空竅是也夫脾者諸陰之首目者血脉之宗也故脾虛則五臟之精氣皆失所司不能歸明於目矣心者君火也主藏神明宜靜而安相火代行其令相火乃包絡之火主百脉皆榮於目既勞役妄動又因邪氣所併而損血脉是故諸病生焉醫目者若不先理脾胃及養血安神乃治標不治本是不明至理者也學者其可不用心乎

脉法



左寸脉洪數心火炎也關弦而洪肝火盛也

右寸關俱弦洪肝木挾相火之勢而來侮所不勝之金而制己所勝之土也

方法丹溪方法  
凡十條

丹溪曰目病屬風熱血少神勞腎虛

河間曰在腑則為表當除風散熱在臟則為裏當養血安神如暴失明昏澁翳膜眵淚斑  
入眼皆風熱也一云斑入眼此肝氣盛而發在表也宜表散以去之如昏弱不欲視物  
內障見黑花瞳子散大皆裏也血少神勞腎虛也宜養血補水安腎以調之

瞳子散大皆辛熱所為也辛主散熱乘之當除風熱涼血益血以收耗散之氣芩連苦  
寒除邪氣之盛為君當歸身生地黃養血涼血為臣五味子酸溫體浮收瞳子散大  
地骨皮天門冬瀉熱補氣或用滋陰地黃丸最妙

久病昏暗以熟地黃當歸根為君羌活防風甘菊花之類佐之

暴發赤腫以黃芩防風為君以瀉火黃連當歸為臣以養血羌活柴胡升麻白芷甘草  
為使白睛紅加白芫菟少許

又方治血熱壅痛四物湯加草龍膽防己防風羌活一云實熱上衝眼痛用黃連瀉火  
當歸補血



勞役飲食不節內障昏暗蔓荊子湯

蔓荊子

人參

甘草炙

黃芪

黃檗

白芍藥酒炒各一錢

右細切水煎服

又方治眼痛用生地黄酒浸搗爛盒眼上又用草烏南星乾薑桂枝為末醋調貼兩足

心時用牛膝膏洗眼

肥人風熱上壅眼目疼痛

防風

羌活

荊芥

酒苓各二錢

水煎服

瘦人目痛乃是血少兼熱須用養血藥少加風藥

當歸

生地黄酒洗

玄參

防風

荊芥

菊花

川芎各等分

右細切水煎服

滋陰地黄丸

熟地黄一兩

生地黄一兩五錢

柴胡八錢

天門冬



炙甘草

枳殼

地骨皮

黃連

五味子 各三錢

當歸身 酒浸洗

黃芩 各五錢

人參 二錢

右為細末煉蜜為丸如菜豎大每服一百丸茶清下

秘傳撥雲退翳丸 又名神仙退雲丸 治一切內外障膜遮睛昏暗大效

枯蔓根

枳實

甘草 炙

蔓荆子

薄荷 各五錢

川芎

密蒙花

荆芥穗

地骨皮

甘菊花

白蒺藜

羌活 各一兩

蛇蛻

蟬蛻

黃連 各三錢

川椒 七錢五分 去目炒

當歸 一兩五錢 酒浸焙

草決明 五錢 炒

木賊 童便浸一宿 去節焙乾

右為細末煉蜜為丸每兩分作十丸每服一丸食後臨卧服日進三服翳障米飲下

睛暗當歸湯下內障木香湯下

退雲丸有犀角五錢乾地黃一兩無蔓荆子甘草川椒婦人當歸湯下有氣木香湯下

羊肝丸治一切目疾不問內外翳障青盲等證

白乳羊肝 一具以竹刀去膜

黃連 一兩

甘菊花

防風

薄荷 去梗

荆芥穗

羌活

當歸



川芎各三錢

右為細末將羊肝蒸熟同藥末杵爛為丸漿水下

春雪膏點赤眼効

朴硝不拘置豆腐上蒸化待流下以瓷器盛之

爛翳驗方

用茜草根燒灰以燈心點之須臾大痛以有節草刮之

神效明目湯治眼楞緊急致倒睫拳毛及上下臉皆赤爛睛疼昏暗晝則冷淚常流夜則

眼溢難開

細辛二分

蔓荊子五分

防風一錢

葛根一錢五分

甘草二錢

一方加黃芪一錢

右細切作一服水二盞煎至一盞去渣臨卧温服

明目細辛湯治兩目發赤微痛羞明畏日怯風寒怕火光眼睫成紐眵糊多隱溢難開眉

攢腫悶鼻塞涕唾稠粘大便微硬

川芎二分

生地黄酒浸洗

蔓荊子各三分

當歸身稍

白茯苓

藁本各四分

荊芥穗五分

防風



麻黃根

羌活各八分

細辛少許

紅花少許

川椒四粒

桃仁七箇去皮尖細研

右細切作一服水一盞半煎至一盞去渣臨卧稍熱服忌酒醋濕麪

復明散治內障

青皮去穰三分

陳皮去白

川芎

蒼朮各五分

炙甘草

生地黄

連翹

柴胡各一錢

黃芪一錢五分

當歸身二錢

右細切作一服水二盞煎至一盞去渣稍熱服忌酒醋濕麪辛熱大料物之類

助陽和血湯治眼發之後微有上熱白睛紅隱澁難開睡多眵淚

蔓荊子一分

香白芷三分

柴胡

黃芪

炙甘草

當歸身酒洗

防風各五分

升麻七分

右細切作一服水一盞半煎至一盞去渣稍熱服

歸葵湯一名連翹散治目中溜火惡日與火光隱澁難開小角緊視物昏花迎風有淚

柴胡三分

生甘草

蔓荊子

連翹

生地黄

當歸身

紅葵花

人參各四分五厘



黃芪

酒黃芩

防風

羌活各七

升麻一錢

右細切作一服水二盞煎至一盞去渣食後服

救苦湯治眼暴發赤腫臉高苦疼不可忍者

桔梗

連翹

紅花

細辛各二分

當歸身夏月減半

甘草炙各一錢

蒼朮

草龍膽各一錢四分半

羌活太陽

升麻陽明

柴胡少陽

防風

藁本

黃連各二錢

生地黄

黃蘗

黃芩

知母各三分

川芎六分

右細切作一服水二盞煎至一盞去渣食後服若苦疼則多用苦寒藥兼治本經之

藥再行加減如睛昏加知母黃柏

益陰腎氣丸此壯水之主以鎮陽光

澤瀉

茯神各二分五分

生地黄酒洗

牡丹皮

山茱萸

當歸梢酒洗

五味子

乾山藥

柴胡各五錢

熟地黄二兩



右為細末勿犯鐵器蒸搗煉蜜丸如梧桐子大每服五十九空心淡鹽湯下  
當歸龍膽湯治眼中白翳

防風

石膏 各二分

柴胡

羌活

五味子

升麻 各三分

甘草

酒黃連

黃芪 各四分半

黃芩 酒炒

黃柏 酒炒

當歸身 酒洗

草龍膽 酒洗

芍藥 各七分五厘

右細切作一服水二盞煎至一盞去渣入酒少許熱服

瀉陰火丸 益陰丸 一名連藥

石決明 三錢煨

羌活

獨活

當歸梢

甘草

五味子

防風 各五錢

草決明

條黃芩

黃連 酒炒

黃柏 鹽酒炒

知母 各二錢

右為細末煉蜜為丸如菉荳大每服五十九茶清下

療本滋腎丸

黃檗 酒炒

知母 酒炒

各等分為細末滴水為丸如梧桐子大每服一百丸至一百五十九空心淡鹽湯下



加味滋腎丸

肉桂 三分

黃連 一錢

薑黃 一錢

苦參 三錢

苦葶藶 酒洗炒

石膏 勿覺肚冷

黃蘗 酒炒

知母 去毛酒炒 各五錢

右為細末麩糊為丸如桐梧子大每服一百丸白湯送下空心服以食壓之

退翳膏治黑白翳

蕤仁

升麻 各三分

連翹

防風

青皮 各四分

甘草

柴胡 各五分

當歸身 六分

荆芥穗 水半盞浸

生地黄 各一錢五分

黃連 三錢

右細末水一碗煎至半碗去渣更上火煎半盞入荆芥水二是入蜜少許再上火熬

勻磁器盛貯頻點之

龍膽飲子治疔眼流膿生疔翳濕熱為病

穀精草

川鬱金

蛇蛻

炙甘草 各五分

麻黃 一錢五分

升麻 二錢

青蛤粉

草龍膽

黃芩 炒

羌活 各三錢

右為細末每服二錢溫茶清調下



還睛紫金丹治目眵歲久赤爛俗呼為赤瞎是也當以三稜針刺目眵外以瀉濕熱如眼  
生倒睫拳毛兩目緊蓋內伏火熱而攻陰氣法當去其熱內火邪眼皮緩則毛立出翳  
膜亦退用法攀出內臉向外以針刺之出血

白砂蜜 二十兩

爐甘石 二十兩火煨七次淬  
水內連水浸半日

黃丹 六兩  
水飛

烏賊骨 二錢

麝香

硃砂 各一錢入蓋內放  
於瓶口上薰乾

白丁香 五錢  
五分者

輕粉 一字

右將白砂蜜於砂石器內慢火熬掠去沫下甘石次下丹以柳枝攪次下餘藥以不  
粘手為度作丸如雞頭實大每用一九溫水化開洗之

重明散治一切風熱內外障膜眼疾

川獨活

川羌活

川芎

吳射干

仙靈脾

防風

甘草

井泉石

蒼朮 各五錢

丹參

白朮

石決明

草決明 各三錢

右為細末每服二錢水一盞半煎至一盞溫服日三服

石膏羌活散治久患雙目不明遠年近日內外翳障風熱昏暗倒睫拳毛一切眼疾頭風



並皆治之

羌活 治腦熱頭風

密蒙花 治羞明怕日

木賊 退翳障

白芷 清利頭目

細辛

乾菜子 二味起倒曉

麻子 起拳毛

川芎 治頭風

蒼木 明目煖水臟

黃芩 洗心退熱

甘菊花

荊芥穗 治目生瘡

石膏 治頭痛退熱

藁本 治偏頭風云治頂痛

甘草 解藥毒

右各等分為細末每服一錢至二錢食後臨卧用蜜水調下茶清亦可日進三服服至十日漸明二十日平安

黃連膏治一切眼目疼痛瘀肉扳睛風痒淚落不已

黃連 半觔

朴硝 一斗以水淘淨陰乾用

白丁香 五升以水一斗淘淨去土研細用

右量水入硝香釜內熬至七分淘出令經宿水面浮芽者取出控乾以紙袋子盛風

中懸至風化將黃連細末熬清汁晒乾入風硝更加猪羊膽和蜜令勻點眼極妙

滌昏膏治一切風壅眼目疼痛不可忍者

白砂蜜 一觔

黃連 一兩

沒藥 五錢

黃丹 一兩炒紫色

右以蜜同黃丹熬黑以水二大盞煎黃連成稠汁去渣入前丹蜜內煎熬稠更入沒

藥末同煎數沸濾去渣洗眼甚妙



金絲膏治一切目疾昏暗視物如絲羅所遮或痒或痛

宣黃連

半兩細切水一盞浸一宿取汁再添水浸粗經半日許取汁併放用

山梔子

二錢梔子入前黃連汁內加水同煎六七十沸

白砂蜜

一兩

白礬

一兩

井鹽

一分如無以青鹽代之

右用銀磁器煎藥十餘沸用上細生絹加紙數重再濾過銀罐子盛貯時常點眼

地芝丸治不能遠視而能近視以此除風熱

生地黃

天門冬各四兩

枳殼炒

甘菊花各二兩

右為末煉蜜丸茶酒任下

眼睫方即倒睫拳毛也

木鱉子一箇去殼為末綿裹塞鼻中左目塞右石目塞左一二夜其睫自正

點眼光明丹治一切風熱上壅兩目赤腫溢痛風弦爛眼及內外翳障等證

白爐甘石

一兩以黃連五錢煎濃汁濾去渣用炭火煨爐甘石通紅淬黃連汁內如此者七次研

辰砂一錢

鵬砂二錢

輕粉五分

片腦三分多至五分

麝香一分

如赤眼腫痛加乳香沒藥各五分外翳障加珍珠五分鴨嘴膽礬二分熊膽二分

爛弦風眼加銅青五分飛丹五分或以諸藥總合為一以治諸般眼疾 右各研為

極細末一處和勻再研一二日無聲銀瓶盛貯密封口不可令泄氣點眼極妙



丹溪活套云東垣謂目能遠視而不能近視火盛而水虧也法當補腎六味地黄丸主之  
 目能近視而不能遠視有水而無火也法當補心定志丸加茯苓主之又曰不能近視  
 晨服地黄丸不能遠視卧服定志丸是皆通手足少陰經也是以知不能近視者腎水  
 虧欠也不能遠視者心血不足也 凡目暴發赤腫宜用羌活防風柴胡白芷升麻酒  
 製芩連甘草生地黃當歸身白睛紅少加白苴菟又曰凡眼暴發赤腫須以防風黃芩  
 為君當歸生地黃黃連和血瀉火藥為臣使 凡日久痛或內障昏暗須以熟地黃當  
 歸根為君以羌活防風菊花荆芥穗生甘草之類為佐使也  
 祖傳經驗固本還睛丸治逐年一切目疾內外翳膜遮睛風弦爛眼及老弱人目眩多糊  
 迎風冷淚視物昏花等證悉皆治之

天門冬 去皮心酒浸一宿另杵如泥

熟地黃 酒洗淨再用甕蒸勿犯銹以上各三兩

乾山藥 微炒

草決明 微炒

枳殼 麩炒黃色

五味子 七錢焙乾

麥門冬 去心焙乾

人參 五兩

川牛膝 酒洗

甘菊花 用小金錢

羚羊角 以上各一兩細剉取淨末八錢

甘草 七錢炙

生地黃 酒浸焙乾

白茯苓

石斛 蘆酒洗

兔絲子 酒浸三宿另研焙乾

烏犀角 八錢剉細生用

白蒺藜 七錢剉去刺



黃連七錢  
去毛

川芎七錢

青箱子八錢  
微炒

右為細末煉蜜丸如梧桐子大每服五七十九鹽湯下

經驗復明膏去翳膜立効

人參

川歸

鵬砂生研各一錢五分

青鹽

乳香另研

沒藥另研

蘆薈各一錢

珍珠五分

麝香五分  
後加分

黃丹一兩  
飛炒

海螵蛸五錢  
炒

黃連四錢  
炒

黃礬六錢

赤爐甘石淬數次

白沙蜜半酌

旋仁五錢  
去殼

白欵一錢  
五分

右各研為極細末先將白蜜煎沸掠去上沫再熬滴水沉碗底不散可用然後入

前藥末略沸攪勻磁罐收貯日三五次點之效

口病四十三

論

內經曰中央黃色入通於脾開竅於口藏精於脾故病在舌夫口之為病或為重舌木舌或為糜爛生瘡或見酸苦甘辛鹽味原其所因未有不由七情煩擾五味過傷之所致也經曰陰之五宮本在五味陰之五宮傷在五味是也是以肝熱則口酸心熱則口苦脾熱



則口甘肺熱則口辛腎熱則口鹹有口淡者知胃熱也外有謀慮不決肝移熱於膽而口苦者亦有脾胃氣弱木乘土位而口酸者或膀胱移熱於小腸膈腸不便上為口糜生瘡潰爛則傷寒狐惑之證上唇生瘡蟲食其臟下唇生瘡蟲食其肌其為口之為病種種不同醫者各類推而治之無有不安者也

脉法

脉經曰左寸洪數心熱口苦 右寸浮數肺熱口辛左關弦數而虛膽虛口苦甚洪而實肝熱口酸 右關沉實脾胃有實熱口甘兼洪數者口瘡或為重舌木舌 脉虛者中氣不足口瘡若服涼藥不愈宜理中湯

方法

丹溪方法  
凡三條

丹溪曰脾熱口甘三黃丸主之

三黃丸兼治五癆七傷消渴不生肌肉

黃芩

春四夏秋  
六冬三兩

黃連

春四夏五  
三冬二兩

大黃

春三夏五  
二冬一兩

右三味煉蜜為丸如梧桐子大每服五丸未愈加至七丸日三服一月病愈久服行及奔馬 愚按此方惟實熱者可用虛者勿用

膽熱口苦謀慮不決所致小柴胡湯加麥門冬酸棗仁地骨皮遠志煎服



益膽湯治謀慮不決肝膽虛氣上溢則口苦證

黃芩去朽

甘草炙

人參各一錢

官桂五分

苦參

茯神各三分

遠志取肉去骨七分

右細切作一服水一盞半煎至一盞去渣溫服

柴胡地骨皮湯治膀胱移熱於小腸腸腸不便上為口糜生瘡潰爛心胃壅熱水穀不化等證

柴胡去蘆

地骨皮各等分

右細切每服五錢水一盞半煎至一盞食後溫服如病人大便實者加大黃朴硝以利之

治口瘡用西瓜漿水徐徐飲之無水時以灰皮燒灰敷之

又方細辛黃蘗炒各等分為末摻舌上吐涎乃愈

又方用燭硝鵬砂含口勿開外以南星為末醋調貼足心湧泉穴上神效

又方用好酒煮黃連成汁呷下即愈

又方用五倍子一兩黃蘗蜜炙滑石各五錢銅絲五錢麝香一字為末摻之極效

凡口瘡服涼藥不愈者乃中氣不足虛火泛上無制用理中湯反治之而愈甚者加附



子或用官桂噙之亦妙

又方治赤口瘡

白礬枯

沒藥另研

乳香另研各一錢

銅綠另研少許

右為細末摻之

又方治白口瘡

雄黃

沒藥

乳香各一錢

輕粉五分

巴豆霜少許

右為細末摻之

治實熱口中生瘡

用涼膈散甘桔湯皆効

一小兒口瘡不下食眾以狐惑治之必死後以礬湯於脚上浸半日頓寬更以黃蘗蜜

炙疆蚕炒為末敷之而愈

又方治唇緊燥裂生瘡用青皮燒灰敷之立愈

又方治唇緊以及紙然於刀上薰取溼敷立効

又方治口糜用野薔薇花根煎湯漱之一云白薔薇根杵汁敷之



又方治口内生瘡用

明礬枯

黃丹炒

鹽白梅燒存性 各一錢

人中白半錢 煨

麝香另研 少許

右為細末乾摻口內甚者加鵬砂五分片腦一分

鵬砂散治口舌生瘡及咽喉腫痛皆效

鵬砂

馬牙硝

滑石

寒水石

枯白礬各二錢

片腦二分

右為細末每服半錢許食後新汲水調下

碧雪治口瘡及咽喉腫痛神效

蒲黃

青黛

鵬砂

焰硝

生甘草

右各等分為細末敷之咽喉腫痛鴛管吹入

祖傳經驗方治舌腫大塞口不能飲食者

真蒲黃一味頻刷舌上自退若能噦藥即以黃連一味煎濃汁細細呷之以瀉心經

之火則愈



丹溪活套云肝膽有實熱令人口酸而苦小柴胡湯加甘草龍膽青皮之類甚者當歸龍  
奮丸若謀慮不決肝膽虛而苦者人參遠志茯神甘草為君柴胡草龍膽為佐使甚者  
錢氏地黃丸虛者補其母也 心熱而口苦或口舌生瘡黃連瀉心湯牛黃清心丸涼  
膈散之類 脾熱而口甘者三黃丸平胃散之類 肺熱而口辛者甘桔湯瀉白散金  
沸草散之類 腎熱而口鹹者滋腎丸大補陰丸滋陰大補丸之類

喉痺 四十四

論

內經曰一陰一陽結謂之喉痺王註謂一陰即厥陰肝與胞絡是也一陽即少陽膽與三  
焦是也四經皆有相火存焉子和曰膽與三焦尋火治肝和胞絡都無異東垣曰火  
與元氣不兩立一勝則一負蓋元氣一虛則相火隨起而喉痺等暴病作矣夫喉之為會  
厭者經謂之吸門是也以其司呼吸主升降為人身緊關之橐籥門戶也若夫卒然腫痛  
水漿不入言語不通死在須臾誠可驚駭其會厭之兩傍腫者俗謂之雙乳蛾易治會厭  
之一邊腫者俗謂之單乳蛾難治古方通謂之喉痺皆相火之所衝逆耳經曰一水不能  
勝二火又曰一水不能勝五火甚言其真水之易虧而相火之易動也如大怒則火起於  
肝房勞則火起於腎飲食失節則火起於脾胃之類是故知火者痰之本痰者火之標火



性急速故病發則暴悍治之之法必先大湧其痰或以鉞鍼刺其腫處此急則治標之法也  
用藥者必須以內經從治之法而以桔梗甘草玄參升麻防風羌活荆芥人參白木茯苓之類  
必加乾薑附子等藥為嚮道徐徐頻與不可頓服此為治之大法也切不可驟服寒涼之藥  
非徒無益而且促其死耳俗人未諳此理而峻用芩連梔柏之類而正治之又甚者雜進  
以大寒草藥頻與頓服但覺腫勢稍退語言略通而醫者病者皆為獲效而喜殊不知上熱  
未除中寒復生其毒氣乘虛而入腹漸而至於發喘不休不可治矣良可嘆哉外有天行  
一種名曰大頭病俗呼為捏頸瘟其證甚為凶惡染此者十死八九宜推運氣治之治法  
亦不甚相遠也東垣普濟消毒飲子甚妙實為百發百中之劑學者再宜詳究而擴充之  
務活人於斯世也幸甚

脉法

兩寸脉浮洪而溢者喉痺也 脉微而伏者死

方法

丹溪方法  
凡十一條

丹溪曰喉痺多屬疫重者宜用吐法或只以桐油燈油脚用鷺翎探吐之病輕者新取園  
中李實根噙之更研水於項上敷之

盧氏曰按本草蕤實根即馬藺草根也能治喉痺北方多有之此又曰園中李實根未知



孰是

纏喉風屬痰熱亦宜吐之

又方用遠志去心為末水調敷項上

又方用燈心草燒灰吹入喉中

一方治咽喉腫痛

荊芥穗

當歸身

桔梗

甘草 各等分

右細切水煎放溫漱而服之有熱加黃芩枳殼宜刺少商出血立愈

又方治喉乾燥痛用四物湯加桔梗荊芥黃柏知母立已

又方治喉瘡并痛者多屬虛火遊行無制用人參黃柏蜜炙荊芥虛火用人參竹瀝血

虛用四物湯加竹瀝

又方用黃耆捺郎根俗名倒摘刺入好酒少許研汁滴入喉中愈

又方以燈籠草炒焦為末酒調敷喉中

瀉實熱火用黃連荊芥薄荷硝石為末薑汁蜜調噙化

喉舌之疾皆屬火熱雖有數種之名輕重之異乃火之微甚故也微而輕者可以緩治

甚而急者惟用砭針刺血最為上策



通關飲治喉痺腫痛不能語言者但可進藥無不愈者此從治之法也 一方有鼠粘子

無白木茯苓乾薑附子名利膈湯治一切咽喉生瘡腫痛

人參

白木

茯苓 各一錢

炙甘草 一錢五分

桔梗 去蘆 二錢

防風 去蘆 七分

荊芥 五分

薄荷 五分

乾薑 炮 五分

或加附子 炮 五分

右細切作一服水二盞煎七分徐徐與之

又方治喉痺用鴨嘴膽礬三分或五分吹入喉中吐痰愈

普濟消毒飲子治天行喉痛等證方見瘟疫門

桔梗湯治咽喉微覺腫痛聲破難語

當歸身

馬勃 各一錢

白僵蚕 炒

黃芩 各三分

麻黃 去節 五分

桔梗 去蘆

甘草 炙 各一錢

桂枝 少許

右細切作一服水二盞煎至一盞去渣溫服

又治喉痺方新取青艾葉杵汁灌入喉中即愈

又方用蛇床子於有甯瓶中燒令病者以瓶嘴含口中吸煙入喉內立愈

吹喉散治咽喉一切腫痛



膽礬

五錢別用青魚膽一箇以礬研細入膽內陰乾

巴豆

七粒去殼

朴硝

二錢五分另研

銅青

一錢

輕粉

五分

青黛

些少另研

右將膽礬同巴豆肉於銅鉢內飛過去巴豆合朴硝已下四味再加麝香少許研勻每用一字吹入喉中吐出痰血立愈

聖煙筒治喉痺葶麻子取肉槌碎紙捲作筒燒煙吸之

祖傳經驗秘方治喉痺神效

馬蘭菊

五爪龍草

車前草

各一握俗名蝦蟇衣

右以三物杵汁徐徐飲之

又方治喉痺及喉中熱痛等證用上好消梨杵汁頻頻飲之如患者能自嚼嚥下亦可多食為良大解熱毒惟金瘡產婦及諸脫血證不可食以其破血故也其餘一應癰疽發背等證多食極妙

齒病

四十五

論

內經曰百病之起有生於本者有生於標者夫齒者腎之標骨之餘也足陽明胃之脉貫絡於齒上齧手陽明大腸之脈貫絡於齒下齧手陽明惡寒飲而喜熱飲足陽明惡熱飲



而喜寒飲故其為痛有惡寒惡熱之不同也有開口呷風則痛甚者腸胃中有風邪也有開口則穢臭不可近者腸胃中有積熱也或謂痛而齒動搖或謂痛而蟲侵蝕又有齒縫疎豁飲食不便者比比是也大抵齒齲宣露而動搖者腎元虛也治宜滋陰補腎為要憎寒惡熱而口臭穢者胃氣熱也治宜安胃瀉火為良其所謂風邪虫蝕之證蓋因熱生風而風生蟲也腸胃之火既平更加以擦牙誅蟲之藥以治其標無有不安之理也學者詳之

脉法

右寸關脉洪數或弦而洪腸胃中有風熱齒痛

尺脉洪大而虛者腎虛主齒動搖疎豁相火上炎而痛

方法

丹溪方法  
凡五條

丹溪曰牙疼或出血屬熱胃中有熱有風寒有蟲有濕熱實熱腫痛調胃承氣加黃連又用升麻白芷防風荆芥薄荷甘草桔梗之類外用胡桐淚麝香擦之

灸法上并痛灸足三里二穴

在足陽明經膝下三寸胛骨外大筋內陷中灸七壯

下并痛灸手三間二穴

在手大指次指本即後內側陷中手陽明大腸經灸七壯

治蟲牙痛用韭菜子以黃蠟包之外以瓦片燒紅將韭子蠟丸置於其上又別糊一紙袋如巨螺樣上以小竹管為袋嘴將袋覆於蠟丸上以竹管拄於齒竅中接煙薰之其蟲



即死而愈

治走馬牙疔方其效如神

乾薑

南棗

各燒存性

枯白礬

右各等分為末敷之即愈

小兒走馬牙疔牙床一齊腐爛即死此方神效

婦人尿桶中白垢火煨一錢入銅線三分麝香一分半敷之立愈

麝香散治熱多寒少牙齦露肉脫血出齒動欲落疼痛妨食惡寒必惡熱多

熟地黄 二分

益智仁 二分半

當歸身

生地黄

麻黃根

酒漢防己

人參 各五分

升麻 一錢

草薺

黃連 各一錢五分

羊脛骨灰 二錢

麝香 少許

右為末先用溫水漱口淨擦之

草薺散治寒多熱少牙齒疼痛

細辛葉

防風 各二分

羊脛骨灰

熟地黄 各五分

當歸 六分

草薺

黃連 各一錢三分

升麻 二錢五分

右為細末如前法擦之



羌活散治客寒犯腦及風寒湊襲腦痛項筋急牙齒痛動搖肉齟袒脫疼痛

藁本  
香白芷  
桂枝各三分  
蒼朮

升麻各五分  
當歸身六分  
草薺各一錢  
羌活一錢五分

羊脛骨灰二錢  
麻黃去根節  
防風去蘆各三錢  
柴胡五錢

細辛少許

右為細末如前法擦之立愈

白牙散

白芷七分  
升麻一錢  
石膏一錢五分  
羊脛骨灰二錢

麝香少許

右為細末如前法擦之立効

獨聖散治一切牙痛風疔等證

北地蒺藜不拘多  
少陰乾

右為細末每用刷牙以熱漿水漱牙外用篋末熬漿水刷牙大有神効

立効散治牙齒痛不可忍微惡寒飲大惡熱飲其脉上中下三部陰盛陽虛是五臟內盛

六腑陽道脉微小小便滑數



細辛 三分

炙甘草 五分

升麻 七分

防風 一錢

草龍膽 酒洗 三錢

右為細末作一服水一盞煎至七分去渣以匙抄在口中漱痛處待少時則止 如

多惡熱飲更加草龍膽一錢此法不定隨寒熱多少臨時加減 若更惡風作痛加

苴菟黃連各五分勿加草龍膽

牢牙散治牙齦肉綻有根牙疳腫痛牙齒動搖欲落牙齒不長牙黃口臭

羌活 一兩

草龍膽 酒洗 兩五錢

羊脛骨灰 二兩

升麻 四兩

右為細末臨時貼牙齦上

清胃散治因服熱藥或食辛熱之物致使上下牙疼痛不可忍牽引頭腦滿面發熱大痛

足陽明之別絡入腦喜寒惡熱乃是手陽明經中熱盛而作也其齒喜冷惡熱

當歸身

黃連 夏月 倍用

生地黄 酒製 各三分

牡丹皮 五分

升麻 一錢

右為細末作一服水一盞半煎至一盞濾去渣帶涼服

神功丸治多食肉人口臭不可近牙齒疳蝕牙齦肉將脫牙齒落血不止

蘭香葉 如無籠 香代之

當歸身

藿香葉

木香 各一錢



升麻 一錢

生地黄 酒洗

甘草 生各三錢

黃連 酒洗

縮砂仁 各五錢

右共為細末湯浸蒸餅為丸如棗荳大每服一百丸或加至二百丸止白湯下食遠服 此藥兼治血痢及血崩及血下不止血下褐色或紫色或黑色及腸澼下血空心服米湯下其脉洪大而緩者及治麻木血氣上衝逆氣上行妄聞妄見者皆效 祖傳經驗秘方治胃有實熱齒痛或上牙痛尤甚者用涼膈散以大黃酒蒸為君加知母石膏升麻為佐頻頻含嚥即愈

又方治胃熱齒痛口臭穢不可近者用大黃牡荊一二十觔於火上烹瀝入薑汁六分之一時時含嚥甚效

又擦牙止痛方

用黃蠆蜂巢一箇以川椒填滿其竅更以白鹽一錢封口燒存性入香白芷羊脛骨灰各一錢同研為細末先以清茶漱口淨然後以此藥擦之及數痛處如有蟲蛀孔作痛以少許塞於孔中立愈

又灸法亦妙

列缺二穴在手太陰肺經與陽明經相連又手取穴中指盡處又看其浮脉以之



間灸七壯其痛立止永不復發

鼻病四十六

論

內經曰西方白色入通於肺開竅於鼻又曰鼻者肺之外候丹溪曰肺之為臟其位高其體脆性惡寒又惡熱是故好飲熱酒者始則傷於肺臟鬱熱久則見於外而為鼻鼈準赤之候得熱愈紅得寒則黑此謂熱極似水之象亢則害承廼制也其或觸冒風寒始則傷於皮毛而成鼻塞不通之候或為濁涕或流清汁久而不已名曰鼻淵此為外寒束內熱之證也原病式曰肺熱則出涕是也又有膽移熱於腦則為辛額鼻淵鼻中濁涕如湧泉下滲而下久而不已則為鼻鱗衄血瘰肉鼻癰等證醫者宜各以類推而治之無忽也

脉法

右寸脉浮洪而數為鼻衄鼻鼈

左寸脉浮緩為傷風鼻塞鼻流清涕

方法

丹溪凡七條方法

丹溪曰鼻為肺之竅因心肺上病而不利也有寒有熱寒邪傷於皮毛氣不利而壅塞熱壅清道氣不宣通寒則表之麻黃桂枝之類熱則清之苓連梔子之類

醫學

學

正

傳

卷五

十九

會文堂書局印行



面鼻紫黑面為陽中之陽鼻居面之中一身之血運到面鼻皆為至清至精之血多酒  
之人酒氣薰蒸面鼻得酒血為極熱熱血得寒污濁凝結而不行故色紫黑治宜化  
滯血生新血四物加片苓酒炒紅花酒浸茯苓陳皮甘草生薑煎調五靈脂末服氣弱者

加黃芪酒浸

酒黷鼻乃熱血入肺

治用前方

用梧桐子桐油入黃連以天吊藤燒油熱敷之

又方用山硫黃

內燒

乳香輕粉烏頭尖酥調敷或用膽礬敷之

又方用山梔為末蜜蠟丸如彈子大空心嚼一丸白湯下

艷鼻瘰肉乃肺氣盛用枯礬研為末面脂調綿裹塞鼻中數日自消

又方木通附子炮細辛蜜和綿裹塞鼻中又用防風通聖散加京三稜山茱萸肉海藻

並用酒浸炒為末每服一錢五分酒調服之

鼻淵膽移熱於腦則辛類鼻淵防風通聖散一兩加薄荷黃連各二錢五分水煎服

宣明防風湯治鼻淵腦熱滲下濁涕不止久而不已必成衄血之疾

黃芩

人參

甘草炙

川芎

麥門冬

心各一兩

防風

去蘆一兩五錢

右為細末每服二錢沸湯調服食後服日三服



麗澤通氣湯治鼻不聞香臭

黃芪 八分

蒼朮

羌活

獨活

防風

升麻

葛根 各六分

炙甘草 四分

麻黃

冬月加  
不去節

川椒

白芷 各二分

右細切作一服加生薑三片棗二枚葱白三寸水二盞煎至一盞溫服食遠忌一切

冷物及風寒涼處坐卧

溫肺湯治鼻不聞香臭多眵淚

丁香 二分

防風

炙甘草

葛根

羌活 各五分

升麻

黃芪 各七分半

麻黃 不去節一分

右細切作一服水二盞葱白三根煎至一盞食後溫服

禦寒湯治寒氣風邪傷於皮毛令鼻壅塞咳嗽上喘

黃連

黃柏

羌活 各二分

炙甘草

佛耳草

欵冬花

白芷

防風 各三分

升麻

人參

陳皮 各五分

蒼朮 七分

黃芪 一錢



右細切作一服水二盞煎至一盞去渣食後服

祖傳經驗秘方治鼻中時時流臭黃水甚者腦亦時痛俗名控腦砂有蟲食腦中用絲瓜藤近根三五寸許燒存性為細末酒調服之即愈

又治方用白牛毛椴葉如白楊木葉香辣者是焙乾為末吹入鼻中立愈

血證 四十七

論

內經曰大怒則形氣絕而血菀於上又曰怒則氣逆甚則吐血又曰陽明厥逆喘咳身熱善驚衄吐血又曰濕淫汗出為皴衄又曰脾移熱於肝則為驚衄肥移熱於膀胱則癢而

溺血又曰結陰者便血一升再結二升三結三升又曰卧則血歸肝肝受血而能視一云

血而能視此云肝者蓋目為肝之外候足受血而能步掌受血而能握指受血而能攝又曰心出血肝納血

肺出氣腎納氣夫人身之氣血者情性之所依附並行不悖循環無端經曰一息不運則

機緘第一毫不續則穹壤判若夫暴喜傷心則氣緩而心不出血故肝無所受或暴怒傷

肝則氣逆而肝不納血故其血無所歸又若房勞過度以致陰火沸騰血從火起故錯經

而妄行也是以從肺而上溢於鼻者曰衄血從胃而上溢於口者曰嘔血夫所謂咯血唾

血者出於腎也咳血嗽血者出於肺也又有痰帶血絲出者或從腎或從肺來也其血出



于小便者曰溺血曰血淋出於大便者曰腸風痔血糞前來者曰近血糞後來者曰遠血流結于腸胃之間而成積者曰血瘕血蟻大抵血從下流者為順易治血從上溢者為逆難治丹溪曰口鼻出血皆是陽盛陰虛有升無降血隨氣上越出上竅法當補陰抑陽氣降則血歸經又曰諸見血為熱證止經所謂知其要者一言而終不知其要者流散無窮此之謂也

### 脉法

內經曰脉來如懸鉤為衄血常脉脉至而搏血衄身熱者死腸澼下膿血脉懸絕則死滑大則生血温身熱者死

脉經曰脉得諸澁濡弱為亡血 脉來輕輕在肌肉尺中自浮目睛暈黃衄血未止暈黃去目睛慧了知衄當止 太陽脉大而浮必衄吐血

病人面無血色無寒熱脉沉弦者衄也

脉浮弱手按之絕者下血煩欬者必吐血

脉極虛乳遲為清穀亡血失精

脉乳為失血 潛為少血

脉弦而緊脇痛肝臟傷主有瘀血



吐血唾血脉滑小弱者生實大者死

唾血脉堅强者死滑濡者生

方法 丹溪方法凡二十七條

丹溪曰口鼻血出皆是陽盛陰虛有升無降血隨氣上越出上竅法當補陰抑陽氣降則

血歸經

按此語雖見前論蓋一章之大旨故重以示學者

衄血涼血行血為主犀角地黄湯入鬱金

一方用荊芥穗研服或用蘿蔔上半段杵汁服又以汁滴入鼻竅中或灸大椎及啞門

穴二三壯俱可止之

本草衍義以萱草葉洗淨研汁一盞入生薑汁三分之一細細呷之治大熱衄血

吐血是火載血上錯經妄行脉必大而孔 大則發熱孔則熱失血

大法四物湯加炒梔子童便薑汁竹瀝

一方用韭汁 一云凡血逆行或吐血或唾血或見血腥氣用韭汁服之最妙童便薑汁磨入鬱金飲之其血自清如無

鬱金以山茶花代之 一云用鬱金末以薑汁童便和好酒調服

吐血大全良方四生丸甚妙 亦治衄血



又方童便調香附末服之

又方童便二分酒一分搗側柏葉溫飲之

吐血亦有因怒而得者經曰怒則氣逆甚則嘔血

一方治吐血不止用乾薑炮為末童便調服

山梔子最能清胃腕之血

有先吐血後有痰者是陰虛火盛四物湯為主加痰火藥若先吐痰而後血多者是積熱降痰火為急

有暴吐紫血成塊者是熱傷血結于中吐為好用四物湯加清熱等藥調之

唾血鮮血隨唾而出出於腎亦有痰血內積肺氣壅遏不能下降用天門冬麥門冬知母貝母

桔梗黃柏熟地黃遠志或加乾薑

咳血嗽出痰內有血痰盛心熱多是血虛用青黛枯蕁仁訶子貝母海石山梔子為末薑汁蜜

丸噲化嗽盛者加杏仁後以八物湯加減調理痰盛者宜更加痰藥

咯血用薑汁童便青黛入血藥中用如四物湯地黃膏牛膝膏之類有咯血痰帶血絲出者同治但宜加痰藥

舌上無故出血如線用槐花炒為末摻之一方用蒲黃炒焦為末敷之極妙

大便下血有熱有虛熱用四物湯加炒山梔子升麻秦艽阿膠虛用四物湯加乾薑炮



升麻

便血用白芷五倍子為丸服效

便血有風邪下陷者蓋風傷肝肝生血故也宜升提之四物湯加防風荆芥升麻柴胡

秦艽槐花條芩地榆枳殼煎服

有濕傷血者宜行濕清熱蒼朮白朮黃連黃柏當歸川芎芍藥地榆槐花水煎服之

因積熱下血用蒼朮陳皮各一兩半連翹五錢黃連黃芩黃柏各七錢半炒為末生地

黃膏丸服

腸風下血獨在胃與大腸出用黃芩秦艽槐角青黛升麻

一方用大黃煨桃仁

去尖另研

各三錢當歸檳榔皂角仁黃柏荆芥穗枳殼各五錢蝟皮黃

黃連

炒

秦艽槐角子各一兩

右為末麩糊為丸如梧桐子大每服五十丸白湯送下如鮮血下甚者棕櫚灰蓮房

灰各五錢

凡經血逆行或血腥或吐血唾血用韭汁服自清

人參飲子治衄血

麥門冬

當歸身

白芍藥

甘草各一錢



人參

黃芪各一錢五分

五味子九枚

右細切作一服水一盞半煎至一盞溫服

痰涎雜血出於脾胃根黃芪芍藥黃連川歸沉香末甘草水煎服

三黃補血湯治吐血

黃芪

川歸

柴胡各一錢

熟地黃

川芍各一錢五分

芍藥

生地黃各二錢

牡丹皮

升麻各五分

右細切作一服水二盞煎至一盞溫服

一方治痰嗽吐血

紅花

杏仁去皮尖另研

紫苑草

鹿茸酥炙

枇杷葉拭去毛薑汁塗炙黃

木通各一兩

大黃五錢

右為細末蜜丸龍眼大噲化

黃芪散治咳血成勞

黃芪

麥門冬

熟地黃

桔梗

白芍藥各一錢

甘草五分



右細切作一服水一盞半煎至一盞去渣溫服

一方治痰帶血咳出

白木一錢五分

川歸

芍藥

牡丹皮各一錢

桃仁五分研

梔子七分半炒黑色

生甘草三分

麥門冬五分

右細切水一盞半煎至一盞去渣溫服

雞蘇散治勞傷肺經咳嗽有血

雞蘇即薄荷

黃芪各五分

生地黄

阿膠珠

貝母

白茅根各一錢

桔梗

麥門冬

蒲黃炒黑色

甘草各五分

細切水煎服

薏苡仁散治肺損嗽血

薏苡仁不拘多少

右一味研細末以豬豬肺一箇煮熟蘸藥食之

又方用豬心一箇竹刀鉞開入沉香末一錢重大半夏七箇入在中心紙包數重外以

童子小便沃濕煆火煨熟取去半夏吃之嗽血吐血皆効

一方治溺血山梔子飲



梔子

不拘多少  
炒黑色

右為細末水煎連渣服

一方用小蘗根琥珀二味為末水煎服之蓋二物能治下焦熱結血淋

又方治溺血神効

生地黄

四錢  
二分

小蘗根

滑石

通草

炒

蒲黃

炒

淡竹葉

藕節

當歸

酒浸

山梔子

炒黑色

甘草

炙各  
七分

右細切作一服水二盞煎至一盞去渣溫服

治溺血因血虛者用四物湯加牛膝膏服

一方治溺血用五苓散合四物湯煎服効

凡用血藥不可單行單止又不可純用寒涼藥必加辛溫升藥如加涼藥用酒煮酒炒

之類乃寒因熱用之法也

一方治小兒尿血用甘草升麻煎湯調益元散

犀角地黄湯治衄血及吐紅

犀角

鎊

赤芍藥

牡丹皮

生地黄 各一錢



右細切作一服水煎食後服

四生丸治吐血衄血陽乘於陰血熱妄行

生荷葉

生艾葉

生地黄

生側柏葉

右各等分細研為丸如彈子大每服一丸水煎或鹽湯化下

聖餅子治咯血

青黛一錢

杏仁

四十箇以黃蠟煎炒黃色

右研杏仁細入青黛捏作餅子用時以柿餅一箇破開以藥餅置於柿中合定濕紙

包炮煨連柿餅研細米飲調下

地榆湯治結陰便血不止漸而極多

地榆四錢

生甘草

一錢五分

炙甘草

一錢

縮砂

七枚另研

右細切作一服水一盞半煎至一盞溫服

結陰丹治結陰腸風臟毒下血等証

枳殼炒

威靈仙

黃芪

陳皮

檲根皮

何首烏

荊芥穗

各等分

右細末酒糊為丸如梧桐子大每服五七十丸清米飲入醋少許送下



椿皮散治血痢及腸風下血神驗

檮根白皮 二兩

槐角仁 四兩

枯白礬 二兩

炙甘草 一兩

右為細末每服三錢清米飲調下

烏梅丸治大便下血如神

殭蚕 一兩炒

烏梅肉 一兩五錢

右為細末醋糊為丸醋湯下三五丸空心服

槐花散治腸風臟毒下血

槐花 炒

側柏葉 炒

荆芥穗

枳殼 炒

右各等分為末每服二錢空心米飲調下

加減四物湯治腸風下血

側柏葉

生地黃

當歸

川芎 各八分

枳殼 炒

荆芥穗

槐花 炒

甘草 各四分

地榆

條黃芩

防風 各六分

烏梅 大者一箇

右細切作一服加生薑三片煎至一盞去渣空心溫服

當歸和血散治腸辟濕毒下血



槐花炒

青皮各六分

當歸身

升麻各一錢

川芎四分

荆芥穗

熟地黄

白木各六分

右為細末每服三錢米飲調下

枳殼散東垣曰血清而色鮮者腸風血濁而黯者為臟毒糞前來者為近血糞後來者為

遠血此藥並皆治之

枳殼炒十兩麩  
炒黃色

甘草三錢炙

右為細末每服一錢空心米飲調送下酒煮黃連丸

酒煮黃連丸

黃連去鬚十  
二兩

好酒五升

右將黃連細切以銀石器盛酒煮黃待乾盡為度焙乾為末麩糊為丸如梧桐子大

每服三十九空心服

秘方枳殼湯治大便腸風下血

枳殼一兩麩  
炒黃色

黃連二兩以槐花四兩  
同炒去槐花不用

右二味量水煎濃汁食前溫服

槐角丸治五種腸風下血痔漏脫肛並皆治之



槐角二兩炒

地榆

黃芩

當歸

防風

枳殼 麩炒

右各等分為細末酒麩糊為丸如梧桐子大每服五十九丸空心清米飲送下

升陽去熱和血湯治腸澼下血另作一派其啣啣然出者有力而遠四散如篩腸腹中作

痛熱毒所作也

陳皮二分

熟地黄

當歸身

蒼朮

秦朮

肉桂各三分

生地黄

牡丹皮

生甘草各五分

升麻七分

炙甘草

黃芪各一錢

白芍藥一錢五分

右細切作一服水二盞煎至一盞食前稍熱服

升陽補胃湯證治及詳見秘藏瀉痢門

生地黄散治鬱熱衄血咯血吐血等證

枸杞子

柴胡

黃連

地骨皮

天門冬

白芍藥

甘草

黃芩

黃芪

生地黄

熟地黄各五分

右細切作一服水一盞半煎至一盞溫服



玉屑膏治熱血

黃芪

人參

右二味各等分為末用羅篩大者切片厚一指許四五片蜜淹少時醃蜜炙乾盡蜜  
二兩為度勿令焦點藥末吃不拘時仍用鹽湯送下

龍骨散治衄血不止凡九竅出血皆可止之

龍骨

不拘多少

右一味細研吹入鼻中即止

麝香散治鼻衄不止

白礬

枯

龍骨各五錢

麝香一分半

右各另研和勻每用時先以冷水洗鼻孔淨然後用藥吹入孔內或以濕紙摺蘸入  
亦妙

經驗方治瀉血

百藥煎

一兩以五錢燒灰存性

右共研細飯丸如梧桐子大每服三四十九或以米湯調下末子二三錢亦可  
又方治前證用乾柿餅燒灰存性清米飲調下二三錢立止



桃仁承氣湯治男子婦人血結胃手不可近及中焦畜血妄言見鬼昏迷如狂及久病胃  
腕疼痛畜血等證

抵當湯治下部畜血臍下結痛滿硬等證

二方並見傷寒門

丹溪活套云凡諸見血證皆是陽盛陰虛君相二火亢甚煎迫其血而出諸竅也悉宜四  
物湯加知母黃檗補陰降火之劑為主治 如衄血咳血或痰帶血絲出者皆從肺中  
來也本方加酒洗蒲黃黃芩茅花等藥以瀉肺火如嘔血吐血此從胃中來也本方加  
石膏知母等藥以瀉胃火 唾血咯血及潮熱咳血此血從腎中來也本方用梔檗皆  
當以鹽酒炒更加肉桂一分許以瀉腎火如小便血於溺竅中出澁數成淋作痛或雜  
尿而出者此從膀胱中來也本方加梔子仁瞿麥牛膝滑石之類以瀉膀胱之火 如  
小便出血不痛者此心移熱於小腸故血從精竅中出也本方加黃連梔子條芩之類  
以瀉本經之火 大便未糞而血先來者謂之近血知其從大腸中來也本方加檳榔  
枳實槐花條芩之類以瀉大腸之火 如大便糞而血來者謂之遠血知其從小腸中  
來也本方加木通煑炒黃連之類以瀉小腸之火 夫血出於口鼻者或加犀角芩連  
之類以清之或加茅花藕節椶櫚灰炒蒲黃之類以止之或加韭汁童便山茶花牡丹  
皮之類以消之 其血出於大便者或加槐花側柏葉條芩之類以清之或加地榆荆



芥白芷茅根之類以止之 其血出於小便者或加瞿麥麥門冬梔子仁之類以清之  
或加滑石木通大小蘗之類以行之或行之或清之或止之皆當視其證新久緩急而  
施治之俱以四物為君主之藥也

祖傳經驗秘方治小便溺血

用車前草葉金陵草葉

俗名墨斗草

右二味搗取自然汁一盞空腹飲之立止

又髮灰丸

用小兒胎髮如無以壯年無病人頭髮剪下者為上自落者次之燒灰細研別用新  
取側柏葉搗汁調糯米粉打糊為丸如梧桐子大每服五十九白湯送下或煎四物  
湯送下尤妙空心服之

又方治大便下血用篋竹葉燒灰存性米糊為丸如梧桐子大每服七八十九空心米  
飲送下

一男子年四十餘素飲酒無度得大便下血證一日入廁二三次每次便血一升許予以  
四物湯加條芩防風荆芥白芷槐花等藥連日與服不効後用椽斗燒灰二錢七分調  
入前藥汁內服之又與灸脊中對臍一穴血遂止而平安其病自此不發



痔漏 四十八

論

經曰因而飽食筋脉橫解腸澀為痔又曰脾胃者倉廩之官五味出焉大腸者傳道之官變化出焉若夫飽食太過則脾氣倦甚不能運化精微朝傷暮損清濁混淆故食積下流於大腸之間而為病也蓋脾胃一虛肺氣亦乏而大腸之氣亦從而虛其肝木得以乘虛下流而為腸風病則是皆金失所養木寡于畏之所為耳其為變見名狀種種不同曰牛妳曰鼠妳曰雞心曰雞冠曰蓮花曰翻花曰蜂巢曰穿腸曰外痔雖曰為狀不一而其因則同焉治法以苦寒瀉火芩連梔子槐花之類以辛溫和血川歸川芎桃仁之類風邪在下以秦艽防風升麻之類提之燥熱怫鬱以大黃枳殼麻仁之類潤之遺此疾者自宜慎口節欲依法調治無有不安者也

脉法

脉沉小實者易治 浮洪而輔弱者難愈

方法 丹溪方法  
凡十條

丹溪曰痔病因風熱燥歸于大腸也治血為主大法用條芩涼大腸人參黃連生地黃槐角涼血生血當歸和血川芎升麻枳殼寬腸



漏瘡先須用補藥以補氣血參芪歸朮為主大劑服之外以附子為末津和作餅子如錢厚以艾多灸之漏大者艾炷亦大漏小者艾炷亦小灸令微熱不可令痛餅乾即易之再和再灸又以補氣血藥作膏藥貼之

一方治痔瘡腫痛用蝸牛一蛇名陰乾為末敷之即愈或用香油浸蝸牛月餘而以其油

沫敷亦効

洗藥用五倍子朴硝桑寄生蓮房煎湯先薰後洗

又方治痔瘡風腫疼痛用胡麻子煎湯洗之其腫即消

又方用木鱉子五倍子共為細末調敷

塞藥用爐甘石煨以童子尿淬之牡蠣煨共為末敷之

又方用馬蘭草根研細敷上片時看肉平去藥稍遲恐肉反出

腸風獨在胃與大腸出用黃芩秦艽槐角青黛升麻

一方用大黃煨桃仁去尖各錢三錢蝟皮炙黃連秦艽槐角子各一兩當歸檳榔皂角仁黃檗

炒荆芥枳殼各五錢為末麩糊為丸如梧桐子大每服五十九白湯下如下鮮血者

加椶櫚灰蓮房灰

秦艽羌活湯治痔漏成塊下垂不任其痒



羌活 一錢二分

秦朮

黃芪 各一錢

防風 去蘆七分

升麻

炙甘草

麻黃

柴胡 各五分

藁本 三分

細辛

紅花 各少許

右細切作一服水煎服忌寒風處大小便

秦朮蒼朮湯治痔核已破謂之痔漏大便秘澀必作大痛此濕熱風燥四氣合而為病故大腸頭成塊者濕也作大痛者風也大便燥結者兼受火邪也其西方肺金主氣其體收下亦助病為邪須當用破氣藥兼之其効如神

秦朮 去蘆

桃仁 去皮尖另研

皂角仁 燒存性各一錢

蒼朮 米泔浸

防風 各七分

黃檗 酒洗五分

當歸梢 酒洗

澤瀉 各三分

檳榔 二分另研

大黃 少許雖大便過澀亦不可多用也

右件除檳榔桃仁皂角仁三味另研外餘藥細切作一服水三盞煎至一盞二分去渣入檳榔等三味末子再上火煎至一盞空心熱服待少時以美膳壓之不犯胃氣也服藥日忌生冷硬物及酒濕麪大料椒薑等物若犯之其藥無効如有白膿加白葵花頭五朶去萼心青皮五分入正藥中同煎木香三分為細末同檳榔等三味依前煎服餌古人治此疾多以歲月待除之惟此藥一服即愈



秦光當歸湯治痔漏大便燥結痠痛

大黃煨四錢

秦光去蘆

枳實各一錢

澤瀉

當歸梢

皂角仁

白朮各五分

紅花少許

桃仁二十箇去尖研細

右細切作一服水三盞煎至一盞食前服忌如前

秦光防風湯治痔漏每日大便時發疼痛如無疼痛者非痔漏也此藥主之

秦光

防風

當歸身

白朮各一錢五分

炙甘草

澤瀉各六分

黃柏酒洗五分

大黃煨

陳皮各三分

柴胡

升麻各二分

桃仁三十箇去尖研

紅花少許

右細切作一服水三盞煎至一盞去渣稍熱空心服之避風寒忌房事酒濕麩大辛

熱之物

當歸郁李仁湯治痔漏大便硬努出大腸頭下血苦痛

郁李仁

皂角仁各二錢另研

枳實七分

秦光去蘆

麻仁

當歸梢

生地黄

蒼朮各五分



大黃

澤瀉各三分

右細切作一服除皂角仁為末用外水三盞煎至一盞去渣入皂角仁末和勻空心服忌如前

紅花桃仁湯治痔漏經年因而飽食筋脉橫解腸癖為痔治法當補北方瀉中央

黃礬一錢五分

生地黃一錢

澤瀉八分

蒼朮六分

當歸稍

漢防己

防風稍

猪苓各五分

麻仁二分

紅花少許

桃仁十箇

右細切作一服水三盞煎至一盞去渣稍熱服忌如前

七聖丸治大腸疼痛不可忍脉訣云積氣生於脾臟傍大腸疼痛陣難當但令稍瀉三焦

火莫慢多方立紀綱

羌活一兩

郁李仁湯浸去皮尖另研一兩五錢

大黃八錢

檳榔

桂心

木香

川芎各五錢

右除郁李仁另研旋入外其餘共為細末煉蜜為丸如梧桐子大每服三五丸白

湯下食前服取微利一服而愈切禁不得多利大便其痛滋甚

秦朮白朮丸治痔疾并漏有膿血大便燥硬疼痛不可忍



秦光 去蘆

桃仁 去皮 尖研

皂角仁 燒存性 各一兩

當歸梢 酒浸

澤瀉

枳實 麩炒 黃色

白朮 各五錢

地榆 三錢

右為細末和桃仁泥再研勻麩糊為丸如雞頭實大令藥光滑焙乾每服五七十九  
白湯空心下待少時以美膳壓之忌生冷硬物冷水冷菜之類并酒濕麩及辛辣大

料熱物犯之則藥無驗也

脫疰證 疰音工下部病也 俗作疰非

屬氣血虛與熱氣虛參芪升麻川芎血虛四物湯熱加黃蘗外以五倍子為末托而上

之一次未收至五次七次必收

又方以陳壁土泡湯先薰後洗

又方以蟹頭燒存性為末真麻油調敷即收龜頭亦可

租傳經驗祕方七花丸治腸風下血久痔皆効

山茶花

芙蓉花

石榴花

檢漆花

白茅花 剉各一兩 俱燒存性

松花 一兩 燒存性

槐花 二兩 炒焦黑

枳殼 一兩 麩炒黃色

甘草 炙五錢

地榆 一錢

檳榔 二錢 五分

右為細末醋調麩糊為丸梧桐子大每服七十九煎烏梅湯下



又方治腸風下血等證

乾柿餅燒存性秤

烏梅燒存性

酒瓶筭色酒過一年者或二三年者尤良燒存性二兩

槐花五錢炒

百藥煎一兩如無以五倍子炙焦黃代之

枳殼五錢麩炒黃色

右為細末醋糊為丸如梧桐子大每服七八十九醋湯下或加檳榔五錢

汗證 四十九

論

內經曰心之液為汗原病式曰心熱則出汗東垣曰西南坤土也在人則為脾胃夫人之汗猶天地之雨陰滋其濕則為霧露為雨也據內經獨主於心而東垣又指脾胃而言何也蓋心為君火主熱脾胃屬土主濕濕熱相搏為汗明矣亦如地之濕氣為雲霧而上升其天氣若不下降則不能成霖雨也又如甑中燒酒若非湯火蒸淘則不能成汁液也夫各臟皆能令人出汗獨心與脾胃主濕熱乃總司耳故內經又曰飲食飽甚汗出於胃驚而奪精汗出於心持重速行汗出於腎疾走恐懼汗出於肝搖體勞苦汗出於脾若夫自汗與盜汗者病似而實不同也其自汗者無時而濺濺然出動則為甚屬陽虛胃氣之所司也盜汗者寐中而通身如浴覺來方知屬陰虛榮血之所主也大抵自汗宜補陽調衛盜汗宜補陰降火大法心虛冷汗自出者理宜補肝益火之原以消陰翳也陰虛火炎者法



當補腎壯水之主以制陽光也醫者宜詳辨之毋錯

脉法

脉大而虛浮而濡者汗 在寸為自汗 在尺為盜汗

傷寒脉陰陽俱緊當無汗若自汗者曰亡陽不治

方法 丹溪方法  
凡四條

丹溪曰自汗屬氣虛屬濕與熱盜汗屬血與陰虛

火氣上蒸胃中之濕亦能作汗涼膈散主之

治自汗用人參黃芪少佐以桂枝陽虛者附子亦可用

痰病亦有汗者

麥煎湯治諸虛不足及新病暴虛津液虧欠體常自汗夜卧則甚久而不止體瘦心忪驚

惕短氣疲倦

牡蠣

黃芪

麻黃根 各一錢

右細切作一服入小麥百餘粒水煎服

調衛湯治濕勝自汗補衛氣虛弱表虛不任風寒證

黃芪

麻黃根 各一錢

羌活 二分

生甘草



當歸梢各五分

生地黃

麥門冬各三分

生黃芩

半夏各五分

猪苓二分

蘇木

紅花各一分

五味子七粒

愚恐自汗陽虛之證不應下羌活半夏生薑三味辛散發表之劑恐傳寫之誤姑存之

右細切作一服加生薑三片水二盞煎至一盞去渣稍熱服

當歸六黃湯盜汗之聖藥也

當歸一錢

生地黃

熟地黃

黃蘗各七分

黃芪一錢

黃連七分

黃芩七分

右細切作一服水二盞煎至一盞食前溫服小兒減半又曰小兒不須治小兒雖能自愈然不

治病恐日甚治之尤妙

黃芪建中湯治自汗及盜汗皆效方見傷寒門桂枝湯或浮小麥一撮尤妙

四制白朮散治盜汗

白朮四兩內一兩以黃芪同炒一兩以石斛同炒一兩以牡蠣同炒一兩以麩皮同炒凡同炒者皆去之

右取白朮一味為末每服三錢粟米湯調下



正氣湯治盜汗

黃檗

知母 各一錢五分

甘草 炙五分

右細切水煎服之

白朮散治飲酒中風多汗食即汗出如油漏久不治必成消渴

牡蠣 三錢炒

白朮 一兩二錢五分

防風 二兩五錢

右為細末每服一錢溫水調下不計時候如惡風倍防風白朮如多汗面腫倍牡蠣

丹溪活套云仲景桂枝湯治外感風邪自汗之聖藥也黃芪建中湯治外感挾氣虛自汗

之劑也東垣補中益氣湯治傷寒氣虛自汗之妙劑也甚者六脉浮轉而虛本方加附

子以治陽虛其効如鼓應桴如左寸脉浮洪而自汗者心火炎也本方倍參芪加麥

門冬五味子黃連各五分如左關脉浮弦而自汗者挾風邪也本方加桂枝芍藥各

五分若不陰虛只有桂枝湯可用也右關脉浮洪無力而自汗者只宜本方倍參芪

而自愈右尺脉洪數無力而自汗者或盜汗相火挾君火之勢而剋伐肺金也本方

加黃連黃芩黃檗各五分只用當歸六黃湯左尺脉浮洪無力而自汗者水虧火盛

也本方加知母黃檗各五分熟地黃一錢壯水之主以制陽光也凡內傷及一切虛

損之証自汗不休者總用補中益氣湯少加附子麻黃根浮小麥其効捷如影響但升



麻柴胡俱用蜜水製炒以殺其升發勇悍之性又欲其引參芪等藥至肌表故不可缺也 凡上所云皆指內傷虛損自汗之證故皆以補中益氣湯為主治之藥也

上湖呂俊文得內傷虛證發熱自汗如雨不止服補中益氣湯十數貼不效予以前方加減每貼用蜜製黃芪一錢半人參一錢白木甘草陳皮各七分當歸白芍藥各一錢升麻柴胡各一分加桂枝三分麻黃根七分浮小麥一撮炮附子三分三貼而汗止熱亦退而安

瘧病五十

論

內經曰諸瘧滑氏曰瘧當作瘧項強皆屬於濕王註云太陽濕也又曰諸暴強直皆屬於風王註云陽明鬱而陰行於

外原病式曰筋勁強直而不柔和也夫肝木屬風而主筋經曰諸暴強直屬風理宜然也

其所謂諸瘧項強而屬於濕者何與蓋太陽經濕甚則兼風化亢則害承廼制也是故知瘧之為病濕為本風為標耳故仲景有剛柔二瘧之分不可不辨蓋剛為陽瘧而柔為陰瘧也若夫太陽發熱無汗惡寒脈弦長脰急胸滿口噤手足攣急咬牙眼開甚則搐搦角弓反張此為剛瘧太陽微熱多汗不惡寒脈遲潘弦細四體不收時時搐搦閉目合口此為柔瘧大抵因風濕二氣襲於太陽之經亦有輕重之分其風氣勝者為剛瘧風性剛急



故也濕氣勝者為柔瘧濕性柔和故也外有諸虛之候表虛不任風寒亦能成瘧是以或產後或金瘡或跌仆撲傷癰疽潰膿之後一切去血過多之證皆能成此疾也是乃虛為本而風為標耳亦有絕無風邪而亦能使人筋脉攣急而為角弓反張之候者血脫無以養筋故也丹溪甚言不可作風治而用風藥恐反燥其陰血而致不救也可不慎與

脉法

脉經曰太陽病發熱其脉沉而細者為瘧

瘧脉來按之築築然而弦直上下行

瘧家其脉伏堅直上下

瘧病發其汗已其脉潑潑然如蛇暴腹脹大為欲解脉如故反伏弦者必瘧此瘧字恐當作死字

太陽病脉至其證候身體強凡凡然脉沉遲此為瘧枯薑桂枝湯主之

方法丹溪方法凡二條

丹溪曰大率與癰相似比癰為虛切不可作風治而純用風藥多屬氣血虛有火有痰宜

補兼降痰火參芪芎歸竹瀝之類

一方治少年痘瘡醫後成瘧口噤不開四肢強直時或遶臍腹痛一陣則冷汗如雨痛定汗止脉極強緊如真弦先因勞倦傷血瘡後血愈虛而又感風寒當用溫藥養血辛



涼散風芍藥當歸為君川芎青皮鈎鈎藤為臣白木甘草為佐桂枝木香黃連為使  
更加紅花少許水煎服愈

枯薑桂枝湯治太陽傷寒成瘧

枯薑根

甘草炙各三兩

桂枝

芍藥

生薑各三兩

大棗十二枚

右六味細切作一服以水九升煮取三升作三服連飲取微汗如汗不出少頃以熱粥湯發之

葛根湯治太陽病無汗而小便反少氣上衝胸口噤不得語欲作剛瘧方見傷寒門

麻黃葛根湯治剛瘧無汗惡寒

麻黃

赤芍藥各三錢

乾葛四分

豆豉半合

右細切作一服水二大盞葱白三莖煎八分稍熱服

大承氣湯治剛瘧大便實熱方見傷寒門

桂枝葛根湯治柔瘧有汗不惡寒方見傷寒門

桂枝括薑根湯治柔瘧通用方見中風門

小續命湯治剛柔二瘧通用方見中風門



防風當歸散治發汗過多發熱頭搖口噤背反張者宜去風養血

防風

當歸

川芎

生地黄各二錢五分

右細切作一服水煎服

當歸補血湯治一切去血過多因無血養筋令人四肢攣急口噤如瘖

黃芪一兩

當歸五錢酒浸洗淨

右細切作一服水二盞煎至一盞溫服 如挾風或兼破傷風者加防風羌活各一

錢荆芥穗一錢半甘草五分減去黃芪一半煎服

活人舉脚舉散治新產血虛發瘖者汗後中風發熱亦然

荆芥穗不拘多少微炒

右為末每服三五錢外以大豆黃卷以熱酒沃之去黃卷用汁調下其効如神

丹溪活套云昔之所謂剛柔二瘖者當以虛實論之是也一屬外感一屬內傷屬外感者

為剛瘖宜用麻黃葛根湯括萸桂枝湯小續命湯在裏者大承氣湯之類 屬內傷者

為柔瘖宜用補中益氣湯八物湯四物湯之類如以風濕二事分剛柔而治恐誤醫者

不勝其多今以虛實分治其理昭然無疑矣

陶氏婦年三十餘身材小瑣形瘦弱月經後忽一日發瘖口噤手足攣縮角弓反張予知



其去血過多風邪乘虛而入用四物湯加防風羌活荆芥必加附子行經二貼病減半  
六貼病全安

厥證 五十一

論

內經曰陽氣衰於下則為寒厥陰氣衰於下則為熱厥又曰寒厥者此人質壯以秋冬奪於  
所用下氣上爭不能復精氣溢下邪氣因從之而上也氣因於中由陽衰不能滲營其經  
絡陽氣日損陰氣獨在故手足為之寒也熱厥者此人必醉飽入房精氣中虛酒入於胃  
則絡脉滿而經脉虛脾主為胃行其津液者也陰氣虛則陽氣入陽氣入則胃不和胃不  
和則精氣竭精氣竭則不能滲營其四肢也氣聚於脾中不得散酒氣與穀氣相薄熱盛  
於中故熱遍於身內熱而溺赤也腎氣日衰陽氣獨盛故手足為之熱也又陰氣盛於上  
則下虛下虛則腹脹滿腹滿則下氣重上而邪氣厥厥則陽氣亂陽氣亂則令人暴仆不  
知人或至半日遠至一日乃知人也名曰尸厥考之張仲景傷寒論陰陽二厥之證皆指手  
足逆冷而言也河間原病式曰陰厥者原病脉候皆為陰證身涼不渴脉遲而微陽厥者  
原病脉候皆為陽證煩渴譫妄身熱而脉數若陽厥極深或失下而至於身冷反見陰証  
脉微欲絕而死者此為極熱而然俗醫妄謂變成陰証急用熱藥助其陽氣以致十無一



生也。愚按內經曰：寒熱二厥者，皆常病虛損証也。並宜補益之法。但熱厥補陰寒，厥當補陽耳。正經所謂壯水之主，以鎮陽光，益火之原，以消陰翳也。若夫傷寒論所謂陰陽二厥者，冰炭殊途，治法亦異。診察之間，死生反掌。醫者其可不盡心乎？

### 脉法

脉經曰：寸口沉大而滑，沉則為實，滑則為氣實。氣相搏，血氣入於臟則死，入於腑則愈。此為卒厥，不知人，唇青身冷，為人臟即死，如身溫和汗自出，為入腑而後自愈。

活人書云：陽厥脉滑而沉實，陰厥脉細而沉伏。

### 丹溪方法

凡一條

丹溪曰：厥因氣虛血虛者，多氣虛脉細，血虛脉大。如葱管熱厥，脉數外感脉浮而實，有痰者脉弦熱用承氣湯，痰用白朮竹瀝外感宜解散藥中加薑汁服。

活人書曰：初得病身熱頭痛大便秘小便赤或畏熱或飲水或揚手擲足煩燥不得安卧，謔語昏憤而厥，此陽厥也。大柴胡湯大小承氣湯治之。渴者白虎湯妙。手足厥冷脉乍結，此邪氣結在胸心下，煩滿飢不能食，衣帶散吐之。寒熱而厥，面色不澤，冒昧兩

手忽無脉，或一手無脉，必是有正汗也。多用綿衣包手足，急服五味子湯，或兼與桂枝麻黃各半湯，須臾大汗而解。傷寒厥逆，心下怔忡者，宜先治水，茯苓甘草湯主之。如



得病後四肢逆冷脉沉而細足攣卧而惡寒引衣蓋覆不飲水或下利清穀而厥逆者陰厥也四逆湯白通湯厥逆脉不至者通脉四逆湯手足指頭微寒者謂之清理中湯無熱証而厥當歸四逆加茱萸煎生薑湯喘促脉伏而厥五味子湯吐利手足厥冷煩燥欲死吳茱萸湯

五味子湯治陽厥脉伏手足厥冷

五味子 一兩

人參

麥門冬

杏仁

陳皮 以上各五錢

右細切用水三盞生薑十片棗二枚煎至一盞半去渣分作二服

桂枝麻黃各半湯 方見傷寒門

茯苓甘草湯治陽厥怔忡手足厥逆心下有水氣

茯苓

桂枝 各二錢

甘草 一錢

生薑 三錢

右細切作一服水一盞半煎至一盞去渣溫服

通脉四逆湯治陰厥下利清穀四肢逆冷脉微

甘草 六錢五分

附子 一枚生用

乾薑 一兩炮

如面赤者加葱九莖嘔者加生薑咽痛加桔梗利止脉不出加人參



右用水三大盞煎至一盞半去渣分作二服

當歸四逆加茱萸煎生薑湯治無熱証而厥

當歸

芍藥

桂枝

細辛各一兩

甘草

通草

各六錢五分

吳茱萸 三錢

生薑 六錢

右細切水三升煮至一升半分三服

吳茱萸湯治陰厥吐利手足逆冷煩燥欲死

吳茱萸

生薑 各五錢

人參 三錢五分

右細切作一服水二盞大棗一枚煎至一盞半溫服忌生冷物

蘇合香丸治卒厥不知人未詳風痰氣厥先與此藥極妙每用一丸以湯調化灌之即醒

醒後察脉而用他藥

丹溪活套云熱厥四肢煩熱蓋濕熱鬱于脾土之中治用東垣升陽散火湯火鬱湯之類

寒厥手足逆冷者多是氣血不足補氣血藥加附子飲酒人或體肥盛人手足熱者濕

痰鬱火盛也二陳湯加芩連梔子之類若忽然手足逆冷卒厥不知人者多屬痰火亦

有陰先虧而陽暴熱者宜多用參膏兼竹瀝薑汁與之人瘦弱者雖無痰而火亦盛也

服竹瀝亦能養血而降火



癲狂癩証 五十二

論

內經曰巨陽之厥則腫首頭重足不能行發為胸仆胸搖其目而暴仆也是蓋陽氣逆亂故令人卒然暴仆而不知人氣復則魁此則癩之類也又曰陽明之厥則癩疾欲走呼腹滿不得卧面赤而熱妄見妄言又曰甚則棄衣而走登高而歌踰垣上屋罵詈不避親疎是蓋得之於陽氣太盛胃與大腸實熱燥火鬱結于中而為之耳此則癲狂之候也曰癩曰狂分而言之亦有異乎難經謂重陰者癩重陽者狂素問註云多喜為癩多怒為狂然則喜屬於心而怒屬於肝乃二臟相火有餘之證難經陰陽之說恐非理也大抵狂為痰火實盛癩為心血不足多為求望高遠不得志者有之癩病獨主乎痰因火動之所作也治法癩宜乎吐狂宜乎下癩則宜乎安神養血兼降痰火雖然此三證者若神脫而目瞪如愚痴者縱有千金我酬吾未如之何也已矣

脉法

脉大堅疾者癩狂 脉虛弦為驚為風癩 脉沉數為痰熱 脉大滑者自已  
沉小急疾者死 虛而弦急者死 寸口沉大而滑沉則為實滑則為氣實氣

相搏入臟則死入腑則愈 丹溪曰癩狂脉虛易治實者難治



方法

丹溪方法  
凡五條

丹溪曰癩證大率屬痰與火不必分五等大法行痰為主藥用黃連南星括蕪半夏尋火尋痰分多少治無不愈者有熱者用涼藥以清心有痰者必用吐吐後用東垣安神丸及平肝之藥青黛柴胡川芎之類

癩狂原病式所論甚精蓋以世以重陰為癩重陽為狂誤也大槩皆是熱耳

盧氏曰重陰重陽之分難經之言也河間謂素問註云多喜為癩多怒為狂五志所發皆為熱也心熱甚則多喜火旺制金不得平木則肝實而多怒也又發熱于中則多干陽明經謂陽明之厥則癩疾又謂服膏梁芳草石藥則熱氣慄悍發為癩狂此原病式本素問之論以明癩狂俱是熱病而重陰之說非也

大率多因痰結於心胸間宜開痰鎮心神亦有中邪者以治邪法治之

神不守舍狂言妄作經年不愈如心經蓄熱當清心除熱如痰迷心竅當去痰寧心宜大吐大下愈

一方治癩證用大蝙蝠一箇以硃砂三錢填入腹內以新瓦盛火炙令皮焦酥為度候冷為細末每一箇分作四服氣弱及年幼者作五服空心白湯調下

龍腦安神丸治男女五般癩癩無問遠近發作無時



茯神 三兩

人參

地骨皮

甘草

麥門冬

桑白皮 各二兩

馬牙硝 二錢

龍腦

麝香 各三分

牛黃 五錢

硃砂 二錢五分

烏犀角 一兩

金箔 三十片

右為細末煉蜜為丸如彈子大金箔為衣如風癩病冬月溫水化下夏月涼水化下不拘時二三歲者日進一服大人每服一九小兒一九分作二丸服虛勞發熱咳嗽新汲水化下

神應丹治諸癩

辰砂 不拘多少研細

右以猪心血和得所以蒸餅裏劑蒸熟取出為丸如梧桐子大每服一九食後臨卧

煎人參湯下

錢氏五色丸治諸癩

硃砂 五錢另研

水銀 二錢五分

雄黃 一兩熬

珍珠 一兩另研末

鉛 三兩用水同煎

右和勻再研極細麩糊為丸如麻子大每服三四丸別煎金銀薄荷湯送下



元戎二白丸治痰涎為病患以致癩癩狂妄驚悸等證

白礬 一兩

輕粉一字或五分  
量虛實加減

右用生蒸餅劑裏蒸熟去皮可丸入輕粉丸如梧桐子大每服二三十丸生薑湯下

小兒如黍米大

拔萃妙香丸治時毒傷寒解五毒潮熱積熱及小兒驚癇等証

辰砂 九兩  
另研

龍腦

膩粉

麝香 研各  
五錢

牛黃 五錢

金箔 九十片  
研

巴豆 二百二十五粒  
去皮心及油

右合研勻煉蜜為丸每兩分作三十九丸米飲下

子和硃砂滾涎丸治五癇等證

硃砂

白礬 生用

赤石脂

硝石 各等分

右為細末研蒜膏為丸如菉豆大每服三十九丸食後荆芥湯下

局方碧霞丹治痰涎壅塞牙關緊急目睛上視癩癩狂妄等證

石綠 五錢  
九度飛研

附子尖

烏頭尖

蝎梢 各二  
十箇

右為末入石綠令勻麩糊為丸如雞頭實大每服一丸薄荷湯化下更以溫酒半合

飲之須臾吐出痰涎然後隨証以他藥治之如口噤者擗開灌之



控涎丹治痰迷心竅狂言謔語如有所見 方見痰飲門

牛黃瀉心湯治心經邪熱狂言妄語心神不安

腦子 另研

牛黃 另研

硃砂 另研各一錢五分

大黃 生一兩

右各研為細末和勻再研每服三錢煎生薑蜜水調下

牛黃清心丸治心氣不足神志不定驚恐癲狂語言謔妄虛煩少睡甚至棄衣而走登高

而歌踰垣上屋等證

羚羊角末 一兩

人參 去蘆二兩五錢

白茯苓 二兩

川芎 一兩二錢半

防風 去蘆一兩五錢

阿膠 五炒七錢

乾薑 炒七錢五分

白朮 一兩五錢

牛黃 研一兩二錢

麝香 研一兩

犀角末 二兩

雄黃 研飛一兩

龍腦 研一兩

金箔 一千四百片內除四百片為衣

白芍藥 一兩五錢

柴胡 去蘆一兩二錢

甘草 剉炒五兩

乾山藥 七兩

麥門冬 去心一兩五錢

桔梗 去蘆一兩二錢

杏仁 去皮尖及雙仁者麩炒黃色一兩二錢半另研

黃芩 一兩五錢去朽

神麩 炒二兩五錢

大棗 皮核研成膏一百箇蒸熟去

白斂 五分七錢

蒲黃 炒二兩五錢

當歸 去頭一兩五錢

大莖黃卷 一兩七錢半炒

肉桂 去皮一兩七錢半

右除棗杏仁金箔外牛黃龍腦麝香雄黃四味研為細末入餘藥和勻煉蜜入棗膏



為丸每兩作十九金箔為衣每服一丸食後溫水化下

丹溪活套云五志之火因七情而起鬱而成痰故為癩癩狂妄之證宜以人事制之非藥石所能療也須診察其由以平之怒傷於肝者為狂為癩以憂勝之以恐解之喜傷於心者為癩為癩以恐勝之以怒解之憂傷於肺者為癩為癩以喜勝之以思解之思傷於脾者為癩為癩為狂以怒勝之以喜解之恐傷於腎者為癩為癩以思勝之以憂解之驚傷於膽者為癩以憂勝之以恐解之悲傷於心胞者為癩以恐勝之以怒解之此法惟賢者能之耳

祖傳經驗秘方治癩癩神效

九節菖蒲一味

不拘多少不問雞犬聲者佳去毛焙乾

右以木臼杵為細末不可犯鉄器用黑積猪心以竹刀批開沙罐煮湯送下每日空心服二三錢

邪祟

五十三

論

內經曰邪氣盛則實正氣奪則虛夫經之所謂邪者風寒暑濕燥火有餘之淫邪耳非若世俗所謂鬼神之妖怪也病有心虛驚惕如醉如痴如為邪鬼所附或陽明內實以致登



高而歌棄衣而走皆痰火之所為實非妖邪祟之所迷也古雖有禁呪一科及龍樹咒法之治皆移精變氣之術但可解疑釋惑以使心神之歸正耳何邪祟之可祛哉丹溪曰血氣者心之神也神既衰之邪因而入理或有之按此恐指山谷間狐鬼而言若夫氣血兩虛痰塞心胸妨礙升降不得運行以致十二官各失其職視聽言動皆為虛妄以邪治之其人必死可不審乎

脉法

脉乍疎乍數乍大乍小或促或結皆邪脉也

脉緊而急者遁屍

方法

丹溪曰俗云衝惡者謂衝斥邪惡鬼祟而病也如病此者未有不因氣血先虧而致者焉素問遺篇曰人憂愁思慮則傷心又驚而奪精汗出於心或遇少陰司天天數不及因而三虛神明失守蓋心為君主之官神明出焉神既失守神光不聚却遇火不及歲有黑屍鬼見之令人暴亡治法刺手少陽之所過陽池穴也復刺心膻即生 人飲食勞倦則傷脾又飲食飽甚汗出於胃醉飽入房汗出於脾或遇太陰司天天數不及因而三虛脾神不守蓋脾者為諫議之官智周出焉神既失守神光不聚却遇土不及歲有青



屍鬼見之令人暴亡可刺足陽明之所過衝陽穴也復刺脾膈即生 人久坐濕地強力入水則傷腎又遇持重遠行汗出於腎或遇太陽司天天數不及因而三虛腎神不守蓋腎為作強之官伎巧出焉神既失守神光不聚却遇水不及歲有黃屍鬼見之令人暴亡可刺足太陽之所過京骨穴也復刺腎膈即生 人暴怒氣逆則傷肝又遇疾走恐懼汗出於肝或遇厥陰司天天數不及因而三虛肝神不守蓋肝為將軍之官謀慮出焉神既失守神光不聚却遇木不及歲有白屍鬼見之令人暴亡可刺足少陽之所過丘墟穴也復刺肝膈即生 人形寒飲冷則傷肺復登高疾走汗出於肺或遇陽明司天天數不及因而三虛肺神不守蓋肺為相傳之官治節出焉神既失守神光不聚却遇金不及歲有赤屍鬼見之令人暴亡可刺手陽明之所過合谷穴也復刺肺膈即生

愚按人見五色非常之鬼皆自己精神不守神光不完故耳實非外邪所侮乃元氣極虛之候也因患者親目所視故實信真為邪鬼所迷但當推其同行同坐者不見有物足可以決此疑耳

### 五邪刺法

肝虛見白屍鬼而後暴厥不知人名曰卒屍

五邪病名並同

目中神影不變四肢雖冷心腹尚



温口中無涎舌不捲卵不縮者可刺之復甦

丘墟二穴在足外踝下如前陷中去臨泣穴五寸足少陽之原也以毫鍼刺入三分得氣則補留三呼徐徐出鍼按口中閉氣腹中鳴者可治更刺肝膈

肝膈二穴在背第九椎下兩旁各一寸半以毫鍼刺三分得氣則補留三呼次進二分留三呼復取鍼至三分留一呼徐徐出鍼氣及即甦

心虛見黑屍鬼而後暴厥不知人四肢雖冷目中精彩不變氣雖閉絕舌不卷卵不縮未出一時可治刺之復甦

陽池二穴在手表腕陷中手少陽之原也用毫鍼刺入二分得氣則補留七呼次進一分留三呼復退留一呼徐徐出鍼手捫其穴更刺心膈

心膈二穴在背第五椎下兩傍各一寸半用毫針刺入七分得氣則補留一呼次進一分留一呼退至二分留三呼徐徐出鍼以手捫其穴即甦

脾虛見青屍鬼而後暴厥不知人四肢冷而身温唇温不出一時可治  
衝陽二穴在足趺上骨間動脉去陷谷三寸足陽明之原以毫針刺入三分得氣則補

留三呼次進二分留一呼徐徐退鍼以手捫之復刺脾膈

脾膈二穴在背第十一椎下兩傍各一寸半以毫鍼刺入三分得氣則補留二呼進二



分動氣至徐徐出鍼即甦

肺虛見赤屍鬼而後暴厥不知人雖無氣手足冷心腹溫鼻微溫目中神彩不變口中無涎舌不卷卵不縮者未出一時可治

合谷二穴在手大指次指兩歧骨間手陽明之原也用毫針刺入三分得氣則補留三呼復退一分留一呼徐徐出鍼以手捫其穴復刺肺膻

肺膻二穴在背第三椎下各一寸半用毫針刺入一寸半得氣則補留三呼次進二分留一呼徐徐出鍼以手捫穴即甦

腎虛見黃屍鬼而後暴厥不知人氣絕四肢厥冷心腹微溫目中精彩不變唇舌不黑口中無涎可救

京骨二穴在足外側大骨下赤白肉際陷中足太陽之原用毫針刺入一分半得氣則補留三呼進至三分留一呼徐徐出鍼以手捫穴復刺足少陰之膻

足少陰之膻在背第十四椎下兩傍各一寸半用毫針刺入三分得氣則補留三呼次又進五分留三呼徐徐出鍼以手捫其穴即甦凡以上刺法必先以口含針煖而刺之則經脈之氣無拒逆也

丹溪治一婦人如癡或作或輟恍惚不省人事一日略蘇醒診視聞牀上有香氣



又無所知識丹溪曰氣因血虛亦從而虛邪因虛而入理或有之遂以秦承祖灸鬼法  
灸治病者哀告曰我自去我自去即愈

秦承祖灸鬼法治一切驚狂譫妄踰垣上屋罵詈不避親疎等証

以病者兩手大拇指用細麻繩扎縛定以大艾炷置於其中兩介甲及兩指角肉四  
處着火一處不着即無效灸七壯神驗

還魂丹治中惡已死

麻黃 三兩

桂枝 二錢

杏仁 十二粒

右作一服水煎灌下即醒

桃奴丸治心氣虛怯有熱尻注魘夢驚癩等証

桃奴 即桃樹上不落乾桃  
十二月收七箇另研

辰砂 五錢  
另研

桃仁 十四箇  
另研

玳瑁 一兩  
另研

琥珀 三錢  
另研

烏犀角 五錢  
上水磨石

牛黃 一錢  
另研

龍腦 二錢  
另研

麝香 一錢  
另研

雄黃 桃葉煮水  
飛三錢

安息香 一兩以無  
灰酒研飛

右以安息香同桃仁琥珀共熬成膏和諸藥末為丸如雞頭實大陰乾每服一九人

參湯化下

蘇合香丸治諸般怪疾 方見氣門



一方治魘死不還用半夏末不拘多少吹入鼻中即醒  
祖傳經驗辟邪丹治衝惡怪疾及山谷間九尾狐精為患

人參

茯神

遠志

鬼箭羽

九節菖蒲

白朮

蒼朮

米泔浸

當歸

各一兩

桃奴

焙乾  
五錢

雄黃

另研

辰砂

各三錢  
另研

牛黃

一錢  
另研

金箔

二十葉

或加麝香

一錢

右件以桃奴以上諸藥為細末入雄黃辰砂牛黃三味末子和勻以酒調米粉打糊為丸如龍眼大金箔為衣臨臥以木香湯化下一丸諸邪不敢近體更以絳紗囊盛五七丸懸床帳中尤妙

一婦人年二十七美貌得一証如醉如癡頰赤面青略有潮熱飲食不美其脉乍疎乍數而虛每夜見白衣少年與睡一醫與八物湯服數十貼不効召予治之見其家有白犬卧枕戶闔予曰必此犬作怪命殺犬取其心血及膽汁丸安神定志之藥以八物湯吞下服藥十數貼丸藥一料以安其神丸藥用遠志石菖蒲川歸黃連茯神硃砂側柏葉草龍膽等藥

怔忡驚悸健忘証五十四



論

內經曰心者君主之官神明出焉夫怔忡驚悸之候或因怒氣傷肝或因驚氣入膽母能令子虛因而心血為之不足又或遇事繁冗思想無窮則心君亦為之不寧故神明不安而怔忡驚悸之証作矣夫所謂怔忡者心中惕惕然動搖而不得安靜無時而作者是也驚悸者騫然而跳躍驚動而有欲厥之狀有時而作者是也若夫二証之因亦有清痰積飲留結於心胞胃口而為之者又不可固執以為心虛而治醫者自宜以脉證參究其的而藥之毋認非以為是也慎之慎之

脉法

寸口脉動而弱動為驚弱為悸

跌陽脉微而浮

浮為胃氣虛微則不能食此恐懼之脉憂迫所致也

寸口脉緊跌陽脉浮胃氣則虛是以悸

肝脉動暴有所驚駭

方法

丹溪方法凡三條

丹溪曰屬血虛有痰有慮便動屬虛時止者痰因火動瘦人多是血少肥人只是痰多時覺心跳者亦是血虛怔忡無時驚悸有時而作



大法四物湯安神丸之類有痰者用痰藥

驚悸者屬血虛用硃砂安神丸最好或有痰迷心竅者宜用治痰藥

一方治勞役大虛心跳

硃砂另研水飛

白芍藥

當歸身酒浸

側柏葉各三錢

川芎

甘草

陳皮各一錢

炒黃連一錢五分

右為細末猪心血為丸如黍米大每服五六十丸津唾嚥下或少用白湯一口送下

食後臨卧服

驚悸養心湯治肥人因痰火而心惕然跳動驚起

黃芪

茯神

半夏麩

川芎各五分

遠志去心甘草水浸

桂心

柏子仁

酸棗仁炒

五味子

人參各二分半

甘草四分

右細切作一服生薑三片大棗一枚水一盞煎至七分服如停水加茯神檳榔各三

分同煎

安神丸

黃連一錢五分酒洗

硃砂一錢另研水飛

生地黃酒洗

當歸身酒洗



甘草炙各五分

右為細末湯浸蒸餅為丸如黍米大每服十五丸食後津唾嚥下 一方硃砂安神

凡無地黃當歸用生甘草

溫膽湯治心膽怯怔忡易驚

半夏湯炮七次去皮 竹茹

枳實各二錢

生薑四錢

陳皮三錢 甘草一錢

右細切作一服水二盞煎至一盞去渣食後溫服

定志丸治心氣不足恍惚多忘及怔忡驚悸等証

人參 白茯苓各三兩 遠志去心

石菖蒲各二兩

右為細末煉蜜為丸如梧桐子大硃砂為衣每服五十丸食後白湯下

朱雀丸治怔忡驚悸等証

茯神二兩 沈香五錢 硃砂五錢另研為衣

右為細末蒸餅為丸如梧桐子大每服五十丸人參湯下

八物定志丸平補心氣安神鎮驚除隔間痰熱等証

遠志去心 石菖蒲 麥門冬去心 茯神去皮



白茯苓各一兩

白木五錢

人參一兩五錢

牛黃二錢

右煉蜜為丸如梧桐子大硃砂為衣每服二十九白湯送下

歸脾湯治思慮過度勞傷心脾健忘怔忡

白木

茯神

黃芪蜜炙

龍眼肉

酸棗仁炒各一錢

人參

木香各五分

甘草炙二分

右細切作一服水二盞加生薑三片大棗一枚煎至一盞去渣溫服

祖傳經驗秘方治憂愁思慮傷心令人惕然心跳動驚悸不安之証

川歸酒洗用身

生地黄酒洗

遠志去心

茯神各五錢

石菖蒲九節

黃連各二錢五分

牛黃一錢

辰砂二錢

金箔十五片

右以前六味研細入牛黃辰砂二味末子猪心血丸如黍米大金箔為衣每服五十

丸煎燈心湯送下

三消五十五

論

內經曰二陽結謂之消又曰瘵成為消中東垣曰二陽者陽明也手陽明大腸主津液若



消則目黃口乾乃津液不足也足陽明胃主血若熱則消穀善飢血中伏火乃血不足也結者津液不足結而不潤皆燥熱為病也此因數食甘美而多肥故其氣上溢轉為消渴治當以蘭除陳氣也不可服膏粱芳草石藥其氣慄悍能助燥熱也岐伯曰脉實病久可治脉弦小病久不可治當分三消而治之高消者舌上赤裂大渴引飲經云心移熱於肺傳為膈消者是也以白虎加人參湯治之中消者善食而瘦自汗大便硬小便數叔和云口乾飲水多食飢虛瘵成為消中者是也以調胃承氣湯三黃丸治之下消者煩渴引飲耳輪焦乾小便如膏叔和云焦煩水易虧此腎消也以六味地黄丸治之總錄所謂未傳能食者必發腦疽背癱不能食者必傳中滿鼓脹皆為不治之証也張潔古分而治之能食而渴者白虎加人參湯不能食而渴者錢氏白朮散倍加葛根治之上中既平不復傳下消矣先哲用藥厥有旨哉然臟腑有遠近亦宜斟酌如心肺位近宜制小其服腎肝位遠宜制大其服皆適其至所為故如過與不及皆誅罰無過之地也如高消中消制之太急速過病所久而成中滿之病正所謂上熱未除中寒復生者也非藥之罪失其緩急之制也治斯疾者宜審焉

### 脉法

脉經曰厥陰之為病消渴氣上衝心中疼熱飢而不欲食食即吐下之不肯止

傷寒厥陰篇云



食則吐衄下  
之利不止

寸口脉浮而遲浮則為虛遲則為虛勞浮則衛氣不足遲則榮氣竭

跌陽脉浮而數浮則為氣數則消穀而緊要畧作消穀而大堅氣盛則溲數溲數則緊作堅緊數

相搏則為消渴男子消渴小便反多以飲一斗小便一斗腎氣丸主之

心脉滑為渴滑者陽氣勝心脉微小為消瘴消瘴脉實大病久可治懸小堅急病久不

可治

脉數大者生沉小者生實而堅大者死細而浮短者死

方法丹溪方法凡五條

丹溪曰養肺降火生血為主分上中下治

上消者肺也多飲水而少食大小便如常

中消者胃也多飲食而小便赤黃

下消者腎也小便濁淋如膏之狀

大法黃連天花粉二味為末藕汁人乳汁生地黄汁佐以蜜薑汁為膏和二味留舌上

徐徐以白湯少許送下能食者加石膏

猪肚丸



黃連 五兩

麥門冬 去心

知母 去毛

括蕢根 各四兩

右為細末入雄猪肚內縫之蒸熟乘熱於石臼中搗爛如乾加煉蜜凡如梧桐子大每服一百丸食後米飲下可以清心止渴 一云治消中

天花粉治消渴之聖藥也 凡消渴藥中大禁半夏及不可發汗

三消者瓊玉膏最妙 方見咳嗽門

和血益氣湯治口乾舌乾小便數舌上赤脈此藥生津液除乾燥生肌肉

柴胡

炙甘草

生甘草

麻黃根 各三分

當歸梢 酒洗四分

知母 酒洗

漢防己 酒洗

羌活 各五分

石膏 六分

生地黄 酒洗

黃連 酒洗各八分

黃蘗 酒洗

升麻 各一錢

杏仁 去皮另研六分

紅花 少許

桃仁 去皮另研六分

右細切作一服水二盞煎至一盞去粗溫服忌酒醋熱濕麩

當歸潤燥湯治消渴小便多大便便秘滋乾燥結硬燥渴喜好溫飲陰頭退縮舌燥口乾眼

澁難開及於黑處見浮雲

細辛 一分

生甘草

炙甘草

熟地黄 各三分

柴胡 去蘆七分

黃蘗 酒洗

知母 酒洗

石膏



桃仁泥

當歸身

麻仁

防風

荊芥穗各一錢

升麻一錢五分

紅花少許

杏仁七箇另研為泥

小椒三粒炒出汗

右細切作一服水二盞煎至一盞熱服食遠忌辛熱物

生津甘露湯一名清涼飲子治消中能食而瘦口舌乾自汗大便結燥小便頻數

升麻四分

防風去蘆

生甘草

漢防己

生地黄各三分

當歸身六分

柴胡

羌活

炙甘草

黃芪

酒知母

酒黃芩各一錢

酒草龍膽

石膏

黃蘗各一錢五分

紅花少許

桃仁十箇另研

杏仁十箇研

右細切作一服水二盞煎至一盞加酒一匙稍熱服

辛潤緩肌湯一名清神補氣湯前消渴症纔愈止有口乾腹不能努此藥主之

生地黄

細辛各一分

熟地黄

石膏各四錢

黃蘗酒洗

黃連

生甘草

知母各五分

柴胡去蘆

當歸身

荊芥穗各一錢

升麻五分



桃仁泥

小椒二粒炒出汗

防風各一錢

紅花少許

杏仁六箇另研

右細切作一服水二盞煎至一盞稍熱食遠服

生津甘露飲子治消渴上下齒皆麻舌根強硬腫痛食不能下時有腹脹或泄黃如糜名曰飡泄渾身色黃目睛黃甚四肢痿弱前陰如水尻臀腰背寒面生蟹色脇下急痛善噦喜怒不常健忘

藿香二分

柴胡

黃連

木香各三分

白葵花

麥門冬去心

當歸身酒洗

蘭香各五分

萼澄茄

生甘草

山梔子

白豆仁

白芷

連翹

薑黃各一錢

石膏一錢二分

杏仁去皮尖

酒黃檗各一錢五分

炙甘草

酒知母

升麻

人參各二錢

桔梗三錢

全蝎五箇去毒

右為細末湯浸蒸餅和勻成劑捏作片子日中晒半乾擦碎如黍米顆大每服一錢津唾下或白湯送下食遠服

黃芪飲治三消



黃芪蜜炙六兩

炙甘草一兩

右細切每服二錢水煎服

六味地黃丸方見虛損門

人參白朮湯治胃膈瘴熱煩滿飢不欲食瘴成為消中善食而瘦燥熱鬱甚而成消渴多飲水而小便數兼療一切陰虛陽實風熱燥鬱頭目昏眩中風偏枯酒過積毒腸胃燥澁併傷寒雜病產後煩渴氣液不得宣通

人參

白朮

當歸

芍藥

大黃酒浸紙裹煨

梔子炒

荊芥穗

薄荷

桔梗

知母

澤瀉各五錢

茯苓去皮

連翹

括萎根

乾葛各一兩

甘草三兩

藿香葉

青木香

官桂各二錢

石膏四兩

寒水石二兩

白滑石半斤

右為細末每服抄五錢水一盞入芒硝半兩生薑三片煎至半盞絞汁入蜜少許溫服漸加至十餘錢得臟腑流利取效如常服以意加減如腸胃鬱結濕熱內甚自利者去大黃芒硝服



絳雪散治消渴飲水無度小便數者大有神效

黃芩 酒炒

黃丹 炒飛

漢防己

栝蒌實 各等分

右為細末每服二錢溫漿水調下臨卧時併進三服即止

人參散治腎消善飲而食小便頻數白濁如膏

人參 一分

白朮

澤瀉

栝蒌根

桔梗

梔子

連翹 各二分

葛根

黃芩

大黃 酒浸紙裹煨

薄荷

白茯苓 各五分

甘草 七分

石膏 一錢

滑石

寒水石 各一錢五分

縮砂 少許

右細切作一服為末水一盞半煎至一盞入蜜少許再煎三兩沸腎消食前服上消

食後服

大黃甘草飲子治男子婦人一切消渴不能止者

大豆 五升先煮二三沸出火去苦水再煮

大黃 一兩五錢

甘草 四兩長四指段搥碎

右用井水一桶將前藥同煮三五時如稠粘更添水煮豆軟為度盛於盆中放冷令

病人食豆渴飲湯汁無時候食盡如燥渴止罷藥未止依前再煮食之不過三劑其



病悉愈

麥門冬飲子治心移熱於肺名曰膈消心膈有熱久則引飲為消渴

麥門冬去心一錢

括蕒根

知母

甘草

五味子

生地黄

人參

葛根

茯神各一錢五分

右細切作一服加竹葉七片用水一盞煎至七分溫服

丹溪活套云三消者多屬血虛不生津液俱宜四物湯為主治上消者本方加人參五味

子麥門冬天花粉煎入生藕汁生地黄汁人乳飲酒人加生葛汁中消者本方加知

母石膏滑石寒水石以降胃火下消者本方加黃檗知母熟地黄五味子之類以滋

腎水又間當飲繅絲湯為上策

經驗原蚕蠶湯治腎消白濁及上中二消飢渴不生肌肉其効如神蓋此物屬火有陰之

用大能瀉膀胱中相火引陰水上潮于口而不渴也

原蠶即再養晚蚕也其繅絲湯極効如無繅絲湯以蠶殼絲綿煎湯皆可代之







4944

1924

N. 5